

四庫全書

子部

# 欽定四庫全書

子部

御定淵鑑類函卷二百十五

詳校官內閣學士臣尹壯圖

主事臣祁韻士覆勘

總校官檢討臣何思鈞

校對官中書臣朱圻

謄錄監生臣潘璣

欽定四庫全書

御定淵鑑類函卷二百十四

武功部九

守備軍門幕府

險固

守備一

增左傳曰不備不虞不可以師

又曰諸侯相見軍衛

不徹警也孫子九變篇曰用兵之法無恃其不來恃

吾有以待之無恃其不攻恃吾有所不可攻也尉繚

子曰刑以伐之德以守之非所謂天官時日陰陽向背

也黃帝者人事而已矣今有城東西攻不能取南北攻不能取四方豈無順時乘之者耶然不能取者城高池深兵器具備財穀多積豪士一謀者也若城下池淺守弱則取之矣由是觀之天官時日不若人事者也又曰地所以養民也城所以守地也戰所以守城也務耕者民不飢務守者地不危務戰者城不圍又曰凡守者進不郭圍退不亭障以禦戰非善者也豪傑雄俊堅甲利兵勁弩強矢盡在郭中乃收容廩毀折而入保

又曰夫守者不失險者也守法城一丈十人守之工食不與焉出者不守守者不出一而當十十而當百百而當千千而當萬故為城郭者非特費於民聚土壤也誠為守也千丈之城則萬人之守也池深而廣城堅而厚士民備薪食給弩堅矢強矛戟稱之此守法也通鑑唐紀注曰唐考法凡百司之長歲校其屬功過差以九等流內之官敘以四善善狀之外有二十七最二十七曰邊境清肅城隍修理為鎮防之最

守備二

增史記李牧傳曰李牧者趙之北邊良將也常居代雁門備匈奴以便宜置吏市租皆輸入莫府為士卒費日擊數牛饗士習射騎謹烽火多間諜厚遇戰士為約曰匈奴即入盜急入收保有敢捕掠者斬匈奴每入烽火謹輒入收保不敢戰如是數歲亦不亡失 後漢馬援

傳曰帝詔武威太守悉還金城客民歸者使各返舊邑

援奏為置長吏繕城郭起塢候

塢小障也  
一曰小城

晉書朱序

傳曰序鎮襄陽苻丕等攻之序母韓自登城履行謂西北角當先受弊遂令百餘婢并城中女丁於其角斜築城二十餘丈賊攻西北角果潰衆便固新築城丕遂引退襄陽人謂此城為夫人城 唐書薛收傳曰收為秦

王府主簿時方討王世充竇建德來援收曰世充據東都正苦乏食今建德身總衆以來必飛轂轉糧更相資哺兩賊連固則伊洛間勝負未可歲月定也不若勒諸將嚴兵締壘浚溝防戒毋出兵大王親督精銳據成臯

厲兵按甲邀建德路不旬日二賊可縛致麾下矣 又

狄仁傑傳曰契丹陷冀州擢仁傑為魏州刺史前刺史  
懼賊至驅民保城修守具仁傑至曰賊在遠何自疲民  
萬一賊來吾自辦之何預若輩悉縱就田賊聞亦引去  
又王鐸傳曰鐸為侍中荆南節度使封晉國公綏納  
流冗益募軍完器鎧武備張設 又突厥傳曰天子東  
巡泰山中書令張說謀益屯以備突厥兵部郎中裴光  
庭曰封禪以告成功若復調發不可謂成功者說曰突



厥雖請和難以信結也知我舉國東巡有如乘間何以

禦之通鑑唐紀曰河東節度使苻澈修杞頭烽舊戍

以備回鶻李德裕奏請增兵鎮守及修東中二受降城

以壯天德形勢從之又曰宣宗十二年王式為安南

都護式有才畧至交趾樹芳木為柵可支數十年深塹

其外泄城中水塹外植竹寇不能冒選教士卒甚銳頃

之南蠻大至去交趾半日程式意思安閒遣譯諭之中

其要害

於我為要  
於彼為害

蠻一夕引去

通鑑宋紀曰張雍知

梓州聞王小波起即練士卒募強勇為城守計輦綿州金帛以實帑藏命官屬治戎器守械悉備後李順遣其黨帥衆二十萬圍之竟不能克又曰龐籍知延州自元昊反延州城砦焚掠殆盡籍至稍葺治之戍兵十萬無壁壘皆散處城中畏籍莫敢犯法籍命步將狄青將萬人築招安砦於橋子谷旁以斷寇出入之路又使周美襲取承平砦王信築龍安砦悉復所亡地築十一城延民以安 弇州史料曰明劉景韶兵備江北間行視

要害外地自瓜儀內而如臯北抵掘港皆列水陸戍其  
天長寶應則城之繕衝選鋒務為不可勝以待 兵畧

纂聞曰明天順時何盛知高州府時炭山賊來劫擄城  
外坊廂多受害公命民壯率其居民採木為柵掘地為  
塹繚以竹刺躬臨經畫兩月而完計七百九十餘丈建  
鼓樓鳴柝以防晝夜設保民寧江靖江清江四門賊來  
犯城阻於刺竹柵塹之險棄梯而退城廂均賴以安  
又曰明成化間余子俊巡撫延綏請於延慶一帶設守

禦於是東起清水營紫城砦西接寧夏花馬池東西二  
千里每二三里間為對角敵臺砦連比不絕空處築牆  
如新月狀以偵敵避射凡堡十有二崖砦八百一十九  
小墩七十有八大墩一十五自是賊寇益稀矣 又曰  
弘治間王鏊知宜興縣時太湖盜發剽劫焚慘鏊聚眾  
悉力備禦訪宋元水寨遺址立堡二十堡建警樓十二  
楹募丁壯三千更番守之寇至則鳴桴合勦去則歸農兵  
不知勞盜不入境民以安堵云 又曰李鏊奉命經畧

密雲邊備以潮河川直通敵境川面闊百丈乃於川口

狹處因其兩山之勢高接石牆千餘丈俱抵川口止餘  
九丈深濬丈餘以通會流勢湧如峽兩岸復設墩臺鋪  
舍宿軍居守賊自是不敢復犯 又曰屠勲撫順天時

整飭薊州諸路謂密雲孤懸有警救援不相及潮河川  
積石漫衍守截為艱黃花鎮拱護諸陵而守備單弱奏  
分薊州為中路以密雲建昌為東西二路使互相策應  
三路既分潮河黃花皆有備由是兵勢聯絡賊不敢犯

又曰正德間流賊犯江上南兵部劉機謀於同事諸公曰今日之事惟擇主將立賞格修營柵恤軍士為急亟取瓦屑埧竹木為營柵使沿江軍士免暴露之苦又發官帑銀七千餘兩犒軍防守有備人心以安 又曰冢宰喬宇在南兵部時宸濠告變刻日東下欲取留都公預為戰守具一時草創皆備率九卿臺諫籲天誓以死守城門設文武臣各二員率軍以守城中暗設軍二營以防不虞濠預遣死士三百人潛入留都伏於鼓樓

街纜頭某為內應伺期而發守備太監劉瑯實共謀之  
公廉知先縛纜頭一鞠而知之多執間諜以次而擒梟  
首江岸都城獲安 又曰郭懋為河南杞縣教諭抵官  
之明日難作邑令股栗欲遁去公正色曰公受專城臨  
難而去之謂王命何即為令畫守城事甚具令富人之  
樓居者出板木補城隙處而登陴焉令壯士手劒當門  
曰有不一意固守而敢竄逸者斬以徇屬兩臺晝夜偵  
邑中消息得狀下檄以城社屬公公乃擇城中丁壯約

五百餘人書其名陴上使遞為守 又曰嘉靖間都御史何棟開府薊州遍歷關險自山海抵居庸延袤二千餘里修築邊防分為十區計區戍兵計兵設將遠近衝緩各相聯屬一遇警報互相策應復恐兵分勢寡各設游兵列營應援

守備三

原登陴 分乘

傳鄭灾子產投兵登陴登陴守備也  
楚子為乘廣三十乘分為左右廣注廣

十五乘乘隊也右廣鷄鳴而駕  
日中而說左則受之日入而說

聞櫓

持囊

左傳魯  
擊櫓聞



於邦 漢書丙吉馭吏習邊事見  
驛騎持赤白囊書馳至遽白狀

早圖

自固

傳蔓

也不如早為之  
聊以自固

知難

思險

左傳魯具守備臧宣叔  
曰知難而有備乃可以

遲緩 軍旅思險注險阻出其  
處當思念以度人

夜事

斥候

周禮謂夜  
守之事

遠斥

遽告

申儆

左傳商人弦高過秦師  
遽告於鄭 荒谷申儆

藏九地

匿九地

孫子兵法云善守者藏於九地之下善攻者  
動於九天之上 傅休奕七依云守者匿於

九地以

正營部

固封守

漢書程不識正部曲行伍  
營陣擊刁斗以自衛 書

自固

慎固

庀武守

紂部伍

左傳宋災子罕使西鉏吾庀  
武守 周禮以軍刑紂守守

謂部

保未危

備他盜

王曰守關者備他盜  
漢

增銅

梁門

鐵遂城

筆談曰賊犯澶淵傳潛堅壁不戰河北支郡或陷或棄是時魏能守安肅軍楊

延朗守廣信軍乃世所謂梁門遂城者二軍最切敵境而攻圍不下時人目二軍為銅梁門鐵遂城由二將能

守也置屯禦閱鄉兵唐書獨孤及傳曰及上疏請減諸道兵有曰假令居安畏危以

備不虞自可詭害之地俾置屯禦又曰張鑑傳曰鑑出為濠州刺史李靈耀反於汴鑑圍閱鄉兵嚴守禦有

詔褒美治陴隍積藁薪又曰李晟傳曰帝自行在道晟時張少弘口詔進晟中書

門下平章事晟受命拜且泣曰京師天下本若皆執羈勒誰將復之乃繕甲兵治陴隍以圖收復又曰趙犖

傳曰黃巢入長安所在盜興陳人詣節度府請犖為刺史既視事乃培城疏塹實倉庫積藁薪為守計

治城壘增亭障宋史李允則傳曰時河北既罷兵允則治城壘不輟有詔詰之允則奏曰

初通好不即完治恐他日頽圯因此廢守則變患不可測也帝以為然孔帖曰史憲忠加隴州刺史增亭障

徙客館於外戎謀無所伺

**連珠砦**

**迷魂牆**

又曰宗澤傳曰澤知開封府據形勢立堅

壁二十四所於城外沿河鱗次為連珠砦連結河東河

北山水砦忠義民兵金史強伸傳曰伸守中京築戰

壘於城外四隅至五門內

**具蘭石**

**布渠砦**

漢書鼂錯傳言

外皆有屏謂之迷魂牆

兵事曰為之高城深塹具蘭石布

**濬浮陽**

**斷石嶺**

渠砦蘭石雷石也渠砦鐵蒺藜也

宋史李允則傳曰允則知滄州濬浮陽湖葺營壘官舍

間穿井未幾契丹大至老幼皆入保而水不乏斷水代

砲契丹遂解去唐書竇靜傳曰靜檢校井

州大總管請斷石嶺以為障塞制突厥之入

**原守**

**海外守**

張衡

東京賦云天子有道守在海外左傳諸侯守在四鄰諸侯卑守在

四境

重門待暴

設險守國

周易云重門擊柝以待暴客蓋取諸豫又云王公設

險以守

峻函之固

山河之固

賈誼過秦論云秦孝公據峻函之固擁雍

其國

州之險君臣固守以窺周室中流而喜謂吳起曰美哉山河之固

史記云魏文侯濟河魏國之寶也

金城千里

金城萬雉

漢書婁敬云金城千里天府之國班固西都賦云建金城之

萬雉呀周池而成淵案文選向注言立此城基固如金雉長三丈高一丈呀大也言城下也周統而大乃成深

淵

寘甌以偵

負戶而汲

潘岳汧督馬敦諫云氏闕地而攻子命穴浚塹寘壺

鑄瓶甌以偵之將穿城響作因焚積火薰之王尋王邑攻昆陽積弩亂發矢下如雨城中負戶而汲

後漢書

存幾亡城

固守孤城

朱勃表氏羌叛亂唯狄道能固守然民飢噉弩煮履救倒

懸之急存喪亡之城 潘岳馬汧督誅云敦固守孤城  
獨當羣寇以少禦衆載離寒暑臨危奮節保殺全城

慎境結援

飾城請罪

慎其四境結其四援人狎其  
野三務成功人無內憂又無

外懼 古者大國過小邑必飾  
城而請罪禮也飾城修守備也

文有武備

兵以嚴

終

雖有文事必有武備  
穀梁兵事以嚴終

思艱圖易

素具應卒

書思其艱

圖其易民乃寧

秦昭王

戒懼不怠

武備不離

傳戒

曰物不素具不可以應卒

懼之不可怠 孫權曰昔雋不疑當安平  
之世刀劒不離身君子武備不可無之

險其走集

明其伍候

走集壘壁  
伍相候望也部

不戒而備

隱情以虞

軍政不戒而備

言私度

備預不虞

警戒無虞

已情所能以度彼之能否

曰備預不虞  
古之善政也

有備無患  
居安慮危

書曰惟事事乃其有備有備無

患

天不假易  
道貴圖難  
思則有備  
輕而寡謀

物宜素具  
事各有初  
儆而師徒  
防其侵軼

用戒不虞  
以備吾圉  
且無外懼  
是資中權  
軍

尚嚴終  
事資謀始  
握兵之要  
束甲之虞  
增請

頓新亭  
奏復宥州

南史齊高帝紀曰宋元徽二年桂陽王休範舉兵尋陽朝廷惶駭帝

議曰昔上流謀逆皆因淹緩以敗休範必輕兵急下乘我無備請頓新亭以當其鋒  
唐書李吉甫傳寶應間

廢宥州以軍遙隸靈武道里曠遠故党項孤弱虜數擾之吉甫始奏復宥州乃治經畧軍以隸綏銀道取鄜州

城神策屯兵九千實之以江淮甲三十萬給太原澤潞軍增太原馬千疋由是戎備全輯

分兵備

寇嚴壁俟寇

贊皇一品集賜王宰詔曰意當卿腹背受敵之處即須分兵防守以備寇虞

孫樵曰兵藉於州則易後卒出於邊則習險相地分屯春耕夏蠶以資衣食秋冬嚴壁以俟寇歲遣廉吏視卒之有無則官無餽運吏無牟盜

此若金城

險如天塹

兵畧纂聞曰明嘉靖中山

西節年修邊動勞闔省夫後隨修隨圯竟無成功翟公鵬委軍門聽用主事劉燾督同各鎮主客擺邊官軍壯夫等各就分定地方修築挑挖牆墩敵臺綿布聯絡崇崖峻壁屹若金城容容深溝險如天塹

墨子

有九拒士衆無二心

史記詳攻具恭在疏勒救兵不至車師復叛東觀漢記云耿

與匈奴共攻恭數月食盡窮困乃煮鎧弩食其筋草恭與士衆推誠同死生故皆無二心也

命諸

將高壘 發義兵堅壁

晉書景帝紀曰吳太傅諸葛恪圍新城帝曰恪卷甲深入投兵

死地其鋒未易當且新城小而固攻之未可拔遂命諸

將高壘以弊之唐書劉晏傳晏領江淮租庸事至吳

郡而永王璘反乃與採訪使李希言謀拒之希言假晏

守餘杭會戰不利走依晏晏為陳可守計因發義兵堅

壁會王敗欲轉畧州縣聞

濬隍託霖雨

斂錢起浮

晏有備遂自晉陵西走

圖

又曰顏真卿為平原守安祿山逆狀牙蘖真卿陽託霖雨增陴濬隍料材壯儲廩廩日與賓客泛舟飲酒

以紓祿山之疑果以為書生不虞也

八編類纂曰李

允則守雄州朝廷無北顧之憂一日出官庫錢千緡復

斂民間錢起浮圖即時飛謗至京師真宗遣中人密諭

之允則謂使者曰某非留心釋氏實為邊地起望樓耳

蓋是時北鄙方議寢兵罷斥

作塹數十萬

增臺二

堠允則不欲顯為其備也



百餘

通鑑唐紀曰史思明取朔方河隴太原諸將皆懼

至而興後是未見敵先自困也乃帥士卒及民於城外

鑿濠以自固作塹數十萬衆莫知所用及賊攻城於外

光弼用之增壘於內壞輒補之兵畧纂聞曰明楊志

學撫寧夏時花馬池舊牆稍下賊每毀之而入且中多

沙磧隨築輒圯夏人歲修之公請於朝築而增高者三

之一增厚者四之一凡三百餘里增置敵臺二百餘所

警舖七百餘楹沙地者即堅

土而改築之凡五百餘里

屹為江淮保障勢如

腹心聯絡

通鑑元紀曰元主以余闕為淮西宣慰副使

守安慶

集有司諸將議屯田守戰策環境築

堡砦選精甲外捍而耕稼於中浚湟增陣隍外環以大

防深塹三重南引江水注之環植木為柵城上四面起

飛樓表裏完固俄陞都元帥時羣盜環布四外闕居其

中左提右挈屹為江淮一保障兵畧纂聞曰明天順

間陶魯丞新會時廣右獯賊流劫破城殺吏魯築寨堡  
與民守之中立以捍東西寇賊之衝築輔城以衛城浚  
外溝以衛輔城布鐵蒺藜植刺竹以衛溝人守其土殊  
死戰別寨分兵相援一邑之勢如腹心相聯絡賊至不  
犯得  
真卿預飭戰備 于筠請置舟師 唐書顏真卿傳  
曰真卿拜浙西

節度使劉展將反真卿豫飭戰備都統李岷以為生事  
非短真卿因召為刑部侍郎 又突厥頡利傳曰頡利  
既和遂解而還帝會羣臣問所以備邊者將作大匠于  
筠請五原靈武置舟師於河扼其入中書侍郎溫彥博  
曰魏為長塹遏匈奴今可用帝使桑顯和塹邊大道召  
江南船工大發卒治戰艦頡利遣使來願款北樓關請  
互市帝  
開田二十餘屯 立壁二十四所 又曰王相  
不能拒 傳曰相徒

東都留守既至開田二十餘屯修器械皆良金壽草練  
士卒號令精明俄而吳少誠叛獨東畿為有備關東賴

之注見  
連珠砦

原東負滄海西阻險塞  
南通邛犍北達

褒斜

陸機辨亡論云東負滄海西阻險塞長江制其區  
宇峻山帶其封域國家之利未有弘巨於茲者矣

張載劔閣銘曰巖巖梁山積石峩峩遠屬荆衡近綴  
岷嶓南通邛犍北達褒斜狹過彭碣高踰嵩華惟蜀之

門作固作鎮是曰  
劔閣壁立千仞

一人荷戟萬夫趙趙  
一人守隘

千夫莫向

又云窮地之險極路之峻世濁則逆道清斯  
順一人荷戟萬夫趙趙形勝之地匪親勿居

淮南子

方城為城漢水為池  
踐華為城因河為池

左傳屈完對齊侯曰君若以力楚國方城以為城漢水  
以為池雖衆無所用之賈誼過秦論云踐華為城因

河為池據億丈之高臨不測之淵良將勁弩守要害之  
處始皇自以為關中之固金城千里子孫帝王萬世之

也業 吳國之羸修完而師息 莒國雖陋失守而都亡

傳吳國雖羸若早修完其可以息師 莒子恃其僻陋在夷而不備決辰之間而楚克其三都

### 守備四

原城郭為固

禮記云大道既隱天下為家城郭溝池以為固

表裏山河

左傳云楚

師背郛而舍晉侯患之舅犯曰戰也戰而捷必得諸侯若其不捷表裏山河必無害也

增彌節

白檀

漢書李廣傳武帝詔廣曰將軍其率師東轅彌節白檀以臨右北平盛秋言秋高防入寇也

守似藩籬

文選陸倕石闕銘曰守似藩籬戰同枯朽

以逸待勞以主禦客

唐書狄仁傑傳曰時發兵戍疏勒四鎮百姓怨苦狄仁傑諫曰陛下姑勅邊兵謹守備以逸待勞則戰士力倍

以主禦客則我得其便堅壁清野寇無所得自然深入有顛躓之慮淺入無虜獲之益

選親兵

晝夜警

又曰郭晞傳曰河中軍亂子儀名首惡誅之其支黨猶反側晞選親兵晝夜警以備非常其人

不得

嚴備常有敵

又曰李芑傳曰芑授河陽三城鎮遏使遠練事宜嚴備常有

敵

占勁兵三千

又曰杜兼傳曰兼為濠州刺史性浮險德宗既厭兵大抵刺史重代易至

歷年不徙兼探帝意謀自固即修武備募占勁兵三千帝以為才

弓箭社

八編類纂曰蘇軾論

河朔沿邊宜用土兵云今河朔西路被遼州軍自澶洲講和以來百姓自相團結為弓箭社不論家業高下戶出一人又自相推擇家資武藝衆所服者為社頭社副錄事謂之頭目帶弓而鋤佩劍而樵出入山坂飲食長技與敵國同私立賞罰嚴於官府遇有警急擊鼓頃刻可致千人器甲鞍馬常若寇至蓋親戚墳墓所在人自

為戰敵  
深畏之

### 守備五

原序潘岳汧督馬敦誄序云秦隴之僭輩更為魁既已  
襲汧而館其縣子以眇爾之身介乎重圍之裏率寡弱  
之衆據十雉之城免虎口之厄全數百萬石之積 增  
孔帖引杜佑誠突厥序曰誠能復兩渠之饒誘農夫趣  
耕擇險要繕城壘屯田蓄力河隴可復豈惟自守而已  
增文韓愈守戒曰詩曰大邦維翰書曰以蕃王室諸侯

之於天子不惟守土地奉職貢而已固將有以翰蕃之也今人有宅於山者知猛獸之為害則必高其柴援而外施窗窬以待之宅於都者知穿窬之為盜則必峻其垣牆而內固扁鐻以防之此野人鄙夫之所及非有過人之智而後能也今之通都大邑介於倔彊之間而不知為之備噫亦惑矣 又曰賁育之不戒童子之不抗魯雞之不期蜀雞之不支今夫鹿之於豹非不巍然大矣然而卒為之禽者爪牙之材不同猛怯之資殊也曰

然則如之何而可曰在得人

增疏唐書陸贄傳曰德宗時西北邊歲調河南江淮兵  
謂之防秋士不素練戰數敗將統制不一亡以應敵贄  
上陳其弊有曰修封疆守要害蹊塹隧列屯營謹禁防  
明斥堠務農足食非萬全不謀非百克不鬪寇小至則  
遏其入寇大至則邀其歸據險以乘之多方以誤之使  
其勇無所加衆無所用掠則靡獲攻則不能進有腹背  
支敵之虞退有首尾不相救之患是謂乘其弊不戰而



屈人兵此中國之長也

拒守一

增孫子軍形篇曰不可勝者守也可勝者攻也善守者藏於九地之下 吕氏春秋曰公輸般為高雲梯欲以攻宋墨子聞之自魯而往裂裳裹足日夜不休十日十夜而至於郢見荆王曰臣北方之鄙人也聞大王將攻宋信有之乎王曰然墨子曰臣以宋必不可得王曰公輸般天下之攻工也已為攻宋之械矣墨子曰請公輸

般試攻之臣請試守之於是公輸般設攻宋之械墨子  
乃設守宋之備公輸般九攻之墨子九却之不能入故  
荆轲不攻宋墨子也能以術禦荆而存宋矣 博物志  
曰處士東里廐責禹亂天下事禹退作三城強者攻弱  
者守敵者戰城郭蓋禹始也

拒守二

增後漢書隗囂傳曰囂大將王捷別在戎丘登城呼漢  
軍曰為隗王城守者皆必死無二心 晉書桓宣傳曰

陶侃使桓宣鎮襄陽以其淮南部曲立義成郡宣招懷  
初附勸課農桑簡刑罰畧威儀或載鉏耒於輶軒或親  
芸穫於墾畝十餘年間石季龍再遣騎攻之宣能得衆  
心以寡弱拒守議者以為次於祖逖周訪 梁書羊侃  
傳曰侯景反兵逼建業衆皆兇懼侃偽稱得外射書云  
邵陵王西昌侯已至近路衆乃少安賊為尖頭木驢攻  
城矢石所不能制侃作雉尾炬施鐵鍬以油灌之擲驢  
上燒之俄盡賊又東西兩面起土山以臨城城中震駭

侃命為地道潛引其土山不能立賊又作登城樓車高  
十餘丈欲臨射城內侃曰車高塹虛彼來必倒可卧而  
觀之不勞設備及車動果倒衆皆服焉 太平御覽引  
三國典畧曰陳人侵齊北徐州刺史祖珽令不閉城門  
守陴者皆下街巷禁斷人行雞犬不許鳴吠陳人莫測  
所以疑人走城空不設警備中夜珽忽令鼓譟陳人驚  
散曉復結陳向城珽自臨戰陳人先聞其盲謂不能抗  
拒忽見親在戎行彎弧縱鏑怪之遂退時穆提婆憾之

不已欲令城陷不遣救援珽軍守百日城竟保全北  
齊書曰周人寇洛州獨孤永業恐刺史段思文不能自  
固馳入金墉助守周人為土山地道曉夕攻戰經三旬  
大軍至寇乃退又周武帝親攻金墉永業出兵禦之乃  
通夜辦馬槽二千周人聞之以為大軍將至解圍去

北史王思政傳曰思政守潁川東魏太尉高岳行臺慕  
容紹宗儀同劉豐生等率步騎十萬來攻潁川築土山  
以臨城中飛梯火車盡攻擊之法思政亦作火積因迅

風便投之土山又射以火箭燒其攻具仍募勇士繼而出戰據其兩土山置樓堞以助防守齊文襄更益兵堰洧水以灌城城中水泉湧溢不可防止懸釜而炊糧力俱竭慕容紹宗劉豐生及其將慕容永珍共乘樓船以望城內令善射者俯射城中俄而大風暴起船乃飄至城下城上人以長鉤牽船弩亂發紹宗窮急投水而死豐生浮向土山復中矢而斃生擒永珍思政謂之曰僕之破亡在於晷漏誠知殺卿無益然人臣之節守之以

死乃流涕斬之并收紹宗等尸以禮埋瘞 隋書李景

傳曰景檢校代州總管漢王諒作亂并州景發兵拒之  
諒遣劉嵩襲景戰於城東升樓射之無不應弦而倒選  
壯士擊之斬獲畧盡諒復遣嵐州刺史喬鍾葵率勁勇  
三萬攻之景戰士不過數千加以城池不固為賊衝擊  
崩毀相繼景且戰且築士卒皆殊死鬪屢挫賊鋒司馬  
馮孝慈司法參軍呂玉並驍勇善戰儀同三司侯莫陳  
乂多謀畫工拒守之術景知將士可用其後推誠於此

三人無所關預唯在閣持重時出撫循而已月餘朔州  
總管楊義臣以兵來援合擊大破之唐書李光弼傳

曰至德二載史思明率衆攻光弼思明為飛樓障以木  
幔築土山臨城光弼遣穴地頽之思明宴城下倡優居  
臺上靳指天子光弼遣人隧地禽之思明大駭徙牙帳  
遠去軍中皆視地後行又潛溝營地將沈其軍乃陽約  
降至期以甲士守陴遣裨校出若逆款者思明大悅俄  
而賊數千沒於塹城上鼓譟突騎出乘之俘斬萬計思



明畏敗乃去 又曰史思明蔡希德率高秀巖等將兵  
十萬攻太原時麾下卒不滿萬衆議培城以守光弼曰  
城環四十里賊至治之徒疲吾人乃徹民屋為掘石車  
車二百人挽之石所及輒數十人死賊傷十二 又陳  
利貞傳曰李希烈攻襄城利貞登陴捍守七十日未嘗  
櫛沐非議事不下城 又劉昌傳曰李希烈取汴江淮  
大震昌以兵三千守寧陵希烈衆五萬攻之昌掘塹以  
遏地道相拒凡四十餘日賊數敗乃解圍去 又程千

里傳曰賊將蔡希德圍上黨輕騎挑戰千里恃勇開縣門率百騎欲禽希德馬顛為賊所執仰首敕諸騎使還曰為我報諸將可失帥不可失城軍中皆為泣下增備固守賊不能下乃還通鑑唐紀曰朱泚攻奉天使僧法堅造雲梯高廣各數丈裹以兕草下施巨輪上容壯士五百人戊子北風甚迅泚推雲梯上施濕氈懸水囊載壯士攻城翼以輶輹置人其下抱薪負土填塹而前矢石火炬所不能傷賊併兵攻城東北隅矢石如雨城

中死傷者不可勝數賊已有登城者時士卒凍餒又乏  
甲冑渾瑊撫諭激以忠義皆鼓噪力戰城中流矢進戰  
不輟初不言痛會雲梯輾地道一輪偏陷不能前却火  
從地中出風勢亦回城上人投葦炬散松脂沃以膏油  
譟呼震地須臾雲梯及梯上人皆為灰燼臭聞數里賊  
乃引退 又曰顧全武克蘇州追敗周本等於望亭獨  
秦襄守崑山不下全武帥萬餘人攻之襄屢出戰使病  
者披甲執矛壯者設弓弩全武每為之却 五代史梁

臣傳曰牛存節聞晉兵攻澤州顧諸將曰澤州要害不可失也諸將皆不欲救之存節戒士卒熟息已而謂曰事急不赴豈曰勇乎舉策而先士卒隨之比至澤州州人已焚外城將降晉聞存節至乃稍定存節入城助澤人守晉人穴地道以攻之存節選勇士數十亦穴地以應之戰於隧中敵不得入晉人解去 宋史孟宗政傳曰宗政權棗陽金完顏薩布擁步騎圍城宗政與扈再興合兵角敵歷三月大小七十餘戰宗政身先士卒金

人戰輒敗忿甚周城開濠控兵列濠外飛鋒鏑以絢鈴  
自警鈴響則犬吠宗政厚募壯士乘間突擊金人不能  
支盛兵薄城宗政隨方力拒隨州守許國援師至白水  
鼓聲相聞宗政率諸將出戰金人奔潰 通鑑宋紀曰

神宗時夏人數十萬圍蘭州已據兩關李浩閉城拒守  
鈴轄王文郁請擊之浩曰城中騎兵不滿數百安可戰  
文郁曰敵衆我寡正當折其鋒以安衆心然後可守此  
張遼所以破合肥也乃夜集死士七百餘人縋城而下

持短刃突之賊衆驚潰時以文郁方尉遲敬德擢知州

事 八編類纂曰元兵取金睢州遂圍歸德府金行省

博爾歡命經歷冀禹錫守禦禹錫竭其才智故得不陷

拊膝錄曰鐵鉉為山東參政建文二年李景隆駐德

州鉉督餉飛芻挽粟水陸並進軍興不乏五月靖難兵

圍濟南甚急鉉至臨邑聞景隆軍敗南奔道遇參幕高

巍趣與之定計迎景隆收潰師共保濟南北兵至城下

圍之數匝城壞鉉以藍布作障紋其上如磚狀張於外

視以葦席於內潛築紿云一夕修完燕兵遠望疑為真遂不敢逼又城壞處懸太祖御像燕兵見之竟不敢攻燕兵決隄水灌城城中恐鉉令登陴哭曰旦且降盡撤守具出千人城外伏地請退兵十里無驚動城中人燕王喜退軍受降鉉懸鐵板城門上伏壯士圍堵中約候燕王入城呼千歲即下拔橋燕王渡橋至城下城門開及門鐵板下傷燕王馬首燕王易馬走城下伏兵斷橋橋堅竟脫去秋七月燕糧盡姚廣孝曰師老矣舍之南

去 兵畧纂聞曰明杜宥以御史謫知英德縣時猺寇

猖獗邑故無城樹木柵為固公初為之城城成而寇適  
至躬冒矢石與民死守糧盡矢竭而圍不解乃選敢死  
士夜縋城下縱火焚賊所據民廬賊驚潰遁去 又曰

正統間沙寇鄧茂七亂揮同楊廣領兵守將樂賊數萬  
至以車攻城其車之制高約與城齊冒以牛草上用大  
竹二交揉繫之如抱手狀竹之上置板數片及城則發  
竹以闢兵板隨竹而下跨城以度衆廣積鐵鎔之而植



木城上以俟比至竹為木所捍不得發又以鐵錐鉤其軍令不得進退取草裹竹燈檠投其上乃以所鎔鐵澆之草著鐵即熾車悉焚毀賊潰廣與千戶徐昇乘勝出戰勦殺甚衆城賴以完 又曰嘉靖間湯建衡令新城

寇至公捐俸犒士士為感泣賊攻南門公遣兵載大筏渡水逆戰賊不能進明日攻東門公豫令人密布鐵蒺藜竹簽於地城上復注矢砲擬之賊復趨城南張旗執鎗翼而前我兵以狼筈格之賊仆奪其旗城上鼓噪助

之賊不得利乃宵遁 又曰倭賊攻江陰主簿曹廷慧  
父子與兵僅十二三人縣令欲移家眷於學宮或勸曹  
暫自為計曹叱曰此地乃吾死所手斫家人一耳又將  
刃其子衆遂不敢動賊作牛皮障自覆鑿城乃大索城  
中新貫火擲城外不止又用人糞煎滾用鐵銷汁探賊  
聚處灌之復擊以砲倭賊始不敢近

拒守三

增塹防門

創遏砲

左傳曰晉侯伐齊齊侯禦諸平陰  
塹防門而守之 八編類纂曰元

攻金洛陽留守薩哈連疽發於背不能軍遂投壕水死  
南人共推強伸為府僉事領所有軍二千五百人甫三  
日元兵圍其三面伸括衣帛為幟立之城上率士卒赤  
身而戰以壯士數百往來救應大呼以慙子軍為號其  
聲勢與萬眾無異兵器已盡以錢為鏃得蒙古一箭截  
而為四以筒鞭發之又創過砲用不過數人能發大石  
於百步外所擊無不中伸奔走四應所至必捷  
蒙古益兵力攻凡三月餘不能拔乃退

斷木為

兵

括衣為幟

太平御覽引後漢書曰隗囂悉兵數萬人圍畧陽斬山築堤激水灌城來歙與

將士固死堅守矢盡乃發屋斷木以為兵器盡銳攻之  
自春至秋士卒疲弊帝乃大發關東兵自將上隴囂眾  
潰走圍解下

鐵鎖橫江

老瞿當道

太平御覽引晉書曰吾彥

為吳建平太守時王濬將伐吳造船於蜀乃為鐵鎖橫  
斷江路及師臨境緣江諸城將望風降附或見攻而拔

唯彥堅守攻之不能尅北史王羅傳曰羅鎮華州齊神武遣韓軌等襲羅羅不覺比曉軌衆已乘梯入城羅尚卧未起聞閣外洶洶有聲便袒身露髻徒跣持一白棒大呼而出謂曰老羅當道卧雅貉子安得過敵見驚退

煮粥均分

命女出拜

又曰羅為荊州刺史梁復遣曹義宗圍荊州堰水灌

城不沒者數板城中糧盡羅煮粥與將士均分食之唐書張仵傳曰仵以澤潞將鎮臨汾田悅攻之乘城固守累月士死糧且盡救不至仵悉召部將立軍門命女出偏拜因曰諸君戰良苦無資為賞願以是女賁直為衆士一日費衆皆哭曰請死戰會馬燧自河東將兵擊悅城下敗之仵乘勢出戰無不一當百以功遷泗州刺史

縛木接樓

縫布為幔

北史韋孝寬傳曰孝寬守玉壁東魏大將齊神武攻

之連營數十里至於城下乃於城南起土山欲乘之以入當其山處城上先有兩高樓孝寬更縛木接之令極

高峻多積戰具以禦之敵人城外又作攻車車之所及莫不摧毀雖有排楯莫之能抗孝寬即縫布為幔隨其所向則張設之布

樓堞皆盡

甲鼓無遺

隋書梁士彥傳曰士

彥為晉州刺史齊後主親總六軍圍之獨守孤城外無聲援眾皆震懼士彥慷慨自若盡銳攻之樓堞皆盡城雉所存尋仞而已或短兵相接或交馬出入士彥謂將士曰死在今日吾為爾先於是勇烈齊奮呼聲動地無不一當百齊師少却乃令軍民子女晝夜修城三日而就帝率六軍亦至齊師解圍

孔帖曰張瓌固壘二歲

煇蘇皆盡軍中甲鼓無遺夜擊門為警秦宗權不能守乃解去

築城控攝

張幕止

宿隋書郭榮傳曰齊寇屢侵宇文護令榮於汾州觀賊形勢時汾州與姚襄鎮相去懸遠榮以二城孤迴勢

不相救請於州鎮之間更築一城以相控攝護從之唐書李光弼守太原自賊圍城城中張一小幕止宿有

急即自往救之行至府門未嘗迴頭不復省視妻  
子賊退復收拾器械處置公事經二日然後歸家 私

金賞士

私產募士

三國典畧臺城未陷侯景又燒大司馬門後閣舍人高善寶以私金

千兩賞其戰士直閣將軍宗思領將士數人踰城出外  
灑水久之火滅 唐書李襲志傳曰襲志仕隋為始安  
郡丞大業末盜賊起襲志傾私產募士得三千人乘  
城拒盜蕭銑林士弘屢攻之不下遂固守凡二年

剝樹煮甲

削木剪紙

隋書劉弘傳曰弘拜泉州刺史會高智慧作亂弘城守百餘日

救兵不至前後出戰死亡大半糧盡無所食與士卒數  
百人煮犀甲腰帶及剝樹皮而食之一無離叛 北史  
郎基傳曰齊天保四年除海西鎮將梁將吳明徹攻圍  
海西基固守乃至削木為箭剪紙為羽圍解還朝僕射  
楊愔迎勞之曰卿本文吏遂有武畧削  
木剪紙皆無故事班墨之思何以相過 汲水灌城

鑿壁引纜

通鑑宋紀曰真宗時契丹攻遂城城小無備衆情危懼守將楊延昭集衆登陴固守以俟

援兵會天大寒汲水灌城上倏忽為冰堅滑不能登契丹兵乃引去

說選平夏錄曰洪武四年閏三月楊璟

兵次夔州大溪口先是蜀人自謂瞿塘天險遣莫仁壽守之以鐵索橫斷關口聞王師臨境又遣戴壽鄒興飛天張益兵為固守計於鐵索外北倚羊角山南倚南城寨鑿兩崖壁引纜為飛橋三平以木板置砲以拒我師璟等攻之勿克

不滿五千人

相持百餘日

南史蔡道恭傳曰道恭為司州

刺史魏圍司州時城中衆不滿五千人食纔半歲魏軍攻之晝夜不息乃作大車載土四面俱前欲以填塹道恭於塹內列艤艫闕艦以待之魏人不得進又潛作伏道以決塹水道恭載土狹塞之相持百餘日前後斬獲不可勝計

六月不能拔

踰年不能下

唐書朱宣傳曰中和初魏博韓簡東

窺曹鄴引兵濟河曹存實迎戰死于陣朱宣收殘卒嬰城簡圍之六月不能拔引去僖宗嘉其守拜宣為天平節度使五代史張源德傳曰源德守貝州晉軍整而圍之當此時晉已先下全燕而鎮定皆附於晉自河以北山以東四面千里六鎮數十州之地皆歸晉獨貝一州圍之踰年不可下

### 拒守四

增背血流面牙齒皆碎

唐書張巡守睢陽在城中每戰登陴大呼以助威背血流面牙齒皆碎

城將陷西向再拜曰為救不至臣智勇俱竭不能全一城今使逆賊見逼臣死亡之後願為鬼與賊為

厲以荅國恩

夜率婦人登城而呼

又曰元和中鄂岳都團練使李道古攻申州剋

其羅城乃進圍逼其中城城中守卒夜率婦人登城而呼懸門竊發分出其衆道古衆驚亂多為虜殺



誓與城相存亡

又曰王凝傳曰凝為宣歙池觀察使王仙芝之黨屠至德勢益張凝儲蓄緡完

以備賊賊至不能加會大星直寢庭墜衾家言宜稱疾不視事以厭勝凝曰東南國用所出而宣為大府吾規脫禍可矣顧一方何賴哉誓與城相存亡勿復言既而賊去

擊釜鉞助軍勢

兵畧纂聞

曰正德間副使羅循知鎮江府巨寇劉六等自南京流入境公多為旗幟於江上諸山復以小舟載砲石發葦洲中為疑兵公自乘城鳴枹鼓令老弱各執戈矛擊釜鉞助軍勢呼聲震天地寇遙望不敢逼

### 險固一

增易坎之象曰天險不可升也地險山川丘陵也王公設險以守其國險之時用大矣哉 戰國策曰蘇秦說

燕文侯曰燕地方二千里帶甲十萬車七百騎六千粟  
支十年南有碣石雁門之饒北有棗栗之利 干寶晉  
紀總論曰方岳無鈞石之鎮關門無結草之固

險固二

增蜀志曰曹公自長安南征先主還策之曰曹公雖來  
無能為也我必有漢川矣及公至先主歛衆拒險終不  
交鋒積月不拔亡者日多曹公果引軍還先主遂有漢  
中 北史安同傳曰同從道武征姚平於柴壁姚興悉

衆救平同進計曰汾東有蒙坑東西三百餘里徑路不通姚興來必從汾西乘高臨下直至柴壁如此則寇內外勢接宜截汾為南北浮橋乘西岸築圍西圍既固賊至無所施其智力矣從之興果視平屠滅而不能救

五代史唐臣傳曰梁王彥章擊破德勝唐軍東保楊劉彥章圍之是時唐已得鄆州郭崇韜曰彥章圍我於此其志在取鄆州也臣願據河下流築壘於必爭之地以應鄆州為名彥章必來爭既分其兵可以圖也乃遣崇

韜與毛彰將數千人夜行所過驅掠居人毀屋伐木渡河築壘於博州東晝夜督役六日壘成彥章果引兵急攻之不尅所失大半還趨楊劉莊宗迎擊遂敗之通鑑宋紀曰徽宗時晏州夷酋卜漏反以趙通為招討使漏據輪縛大屯其山崛起數百仞林箐深密諸酋壘石為城樹柵以守通軍不能進

險固三

原襟帶

咽喉

西京賦巖險周固襟帶易守得之者彊

韓天下之咽喉

固圉

阨險

傳聊以固吾圉也

百二十

漢書曰秦地得百二言秦地險固以

二萬人當諸國百萬

重阻

巨固

二關

四塞

秦負阻於

二關卒開項而受沛秦地險阻四塞之固

增憑險

備敗

唐書梁郡公孝逸傳曰徐敬業

稱兵以孝逸為行軍大總管率師南討至淮偽將韋超據都梁山以拒孝逸超眾憑險完屯孝逸欲全軍趨揚

州度支使薛克構曰超雖據險然兵少若置小敵不擊無以示威

唐柳宗元晉問曰晉人之言表裏山河者

備敗而已非以為榮觀險大也

襟憑

背負

孔帖曰程元振說帝都洛陽郭子儀奏曰雍州

古稱天府右隴蜀左峭函襟憑終南太華之險背負清渭濁河之固

原天地之險

金

湯之固

上見險固一金城湯池

被山帶河

懸車束馬

秦地益州記

蜀道至險乘馬懸車以度

不得方軌

不爭險易

漢書井陘之道車不得方軌騎

不得成列禮軍旅思險道塗不爭險易之利

宅於土中

守在海外

東

其要害

繫以安危

增霸王之資

形勝之地

春秋後語

蘇秦南說楚威王曰楚天下之強國也西有黔中郡東有夏州海陽南有洞庭蒼梧北有汾陰地方五千里帶

甲百萬車千乘騎萬匹粟支十年此霸王之資也

晉

書曰劉裕伐姚泓沈林子與冠軍檀道濟同攻蒲坂龍

驤王鎮惡攻潼關姚泓聞大軍至遣姚紹爭據潼關林

子謂道濟曰潼關天阻所謂形勝之地鎮惡孤軍勢危

力屈若使姚紹據之則難圖

引水屬城

聚石種樹

也及其未至當并力爭之

唐書馬燧傳曰燧至太原念晉陽王業所基宜固險以示敵乃引晉水架汾而屬之城濬為東隍省守陴萬人

又醜汾環城樹以固堤 又曰燧為隴州刺史西山直吐蕃其上有通道敵常所出入者燧聚石種樹障之設二門為燕櫓 築壘護柵 斷山浚塹 五代史周本紀八日而畢 曰郭威至河中

自柵其城東常思柵其南白文珂柵其西調五縣十二萬人築連壘以護三柵 唐書張獻誠傳曰貞元四年獻誠代韓游瓌為邠寧節度使 四壁斗絕 一徑尺

許 兵畧纂聞曰明嘉靖十六年阿向據凱口圍為亂圍圉十餘里高四十丈四壁斗絕獨一徑尺許曲折而登宣慰使安萬銓提兵萬餘相持三月仰視絕壁無可為計 河有造舟之危 山

有摧輪之險 贊皇一品集制孟州城敕旨曰昔馮異之守孟津已建軍號近光弼之保宣洛先據

三城蓋以河有造舟之危山有摧輪之險左右機軸表裏金湯既當形勝之城實為要害之郡 許歷

勸奢先據北山

郭淮策亮必爭北原

史記趙奢傳曰秦伐韓軍關與

趙遣奢救之軍士許歷曰先據北山上者勝趙奢即發萬人趨之魏志郭淮傳曰諸葛亮出斜谷是時司馬

宣王屯渭南郭淮策亮必爭北原若亮跨渭登原連兵北山隔絕隴道搖蕩民夷非國之利也宣王善之淮遂

屯北原原楚瓦城郢沈尹知其必亡梁伯溝宮左氏

稱其自取

左傳沈尹戌曰苟不能衛城無益也

負固

忘危

周禮負固不服侵之

居安忘危

不一姓

是三殆

九州之險是不一姓傳晉司馬侯曰恃險與馬而虞鄰

國之患是三殆也

險為屏固為寶

長世字民者以道德為藩不以習險為屏史

記魏武侯曰美哉山河之固此魏國之寶也吳起曰在德不在險

憑洞庭者苗人亡



恃巖邑者號叔死

吳起曰昔三苗左洞庭右彭蠡德義不修而禹滅之

傳號叔恃制

地巖險不修德政而鄭滅之

考吳起之言在德而已

徵司馬之

對雖險何為

孝子去官

忠臣叱馭

漢書王尊傳先是王陽為益州

刺史行部至邛郯九折阪歎曰奉先人遺體奈何數乘此險後以病去及尊為刺史至其阪叱其馭曰驅之王陽為孝子王尊為忠臣

險固四

增江漢為池

吳書趙咨使魏文帝嘲咨曰吳難魏不咨曰帶甲百萬江漢為池何難之有

軍門幕府一

增史記馮唐傳註索隱曰崔浩云古者出征為將治無常處以幕為府舍故云幕府

軍門幕府二

增史記馮唐傳曰魏尚為雲中守終日力戰斬首捕虜上功幕府唐書段志玄傳曰志玄與宇文士及勒兵衛章武門太宗夜遣使至士及披衣戶內使志玄拒曰軍門不夜開使者示手詔志玄曰夜不能辨不納帝歎曰真將軍周亞夫何以加又薛訥傳曰開元初講武新

豐時諸部頗失序唯訥與解琬軍不動帝令輕騎召之  
至軍門不得入 又李勉傳曰勉禮賢下士有終始嘗  
引李巡張參在幕府後二人卒每至宴飲仍設虛位沃  
饋之 又李石傳曰石字中玉辟李聽幕府從歷四鎮  
有材略為吏精明聽每征伐必留石主後務 又沈傳  
師傳曰傳師更二鎮十年無書賄入權家初拜官宰相  
欲以姻私託幕府者傳師固拒曰誠爾願罷所授故其  
僚佐如李景讓蕭寘杜牧極當時選云 通鑑唐紀曰

馬燧平河中出高郢李鄘於獄皆奏置幕下

軍門幕府三

原幕府

轅門

衛青為車騎將軍以幕為府又以車轅為門

軍門

牙門

傳胥甲趙穿當軍門而呼曰薄人於險非勇也牙建牙也

蓮花幕

青油幕

蕭緬

與王儉書曰庾景行泛綠水依芙蓉何其麗也時以儉府為蓮花幕

增驃騎幕

安

西幕

儲光義詩常思驃騎幕李白詩安西幕府多才雄

參戎事

制中權

李端

詩幕府參戎事

高

原竇憲置幕

郗超入幕

後漢書竇

適詩幕府制中權

憲既平匈奴威名大盛以班固傳殺之徒皆置幕府典文章晉謝安王坦之詣桓溫令郗超坐帷帳中風動

帳口開安笑曰都生可謂入幕之賓

增杖策上謁

拔劍大呼

房元齡傳曰太

宗以燉煌公狗渭北杖策上謁軍門一見如舊

陳利

貞傳曰朱泚反利貞及張廷芝所統士皆幽薊河隴人

故與廷芝合謀應泚而利貞麾下亦從為亂夜半難作

利貞拔劍當軍門大呼曰欲過門者先殺我衆畏其鋒

乃止

徧遺雉免

獨收人物

段成式傳曰成式侍父於蜀以畋獵自放以雉兔徧

遺幕府人為書因所獲儼前世事無複用者衆大驚

房元齡傳曰元齡為秦王府記室征伐未嘗不從衆爭

取怪珍元齡獨

奏置幕府

表留幕府

溫造傳曰造隱東都烏重

收人物致幕府

肅奏置幕府

杜如晦傳曰房元齡稱如晦王佐才秦

王因表留幕府從征伐常參帷幄機祕方多事裁處無

留僚屬其才

高置幕府

對置幕府

陳子昂傳曰武攸宜討契丹高

之莫見所涯

置幕府表子昂參謀

唐書平陽昭公主傳曰公主下

嫁柴紹帝渡河紹以數百騎並南山來迎主引精兵萬

人與秦王會渭北紹及主對

月上營門 烏避轅門

置幕府分定京師號娘子軍

郎士元詩寒月上營門

杜甫

任瓌上謁轅門 楊

詩孤雲隨殺氣飛鳥避轅門

政大呼軍門

唐書任瓌傳曰高祖討捕於汾晉瓌上謁轅門承制署河東縣戶曹通鑑宋紀曰

薩里罕入興元至金牛鎮四川大震劉子羽從兵不滿

三百與士卒取草芽木甲食之遺吳玠書訣別玠得書

未有行意其愛將楊政大呼軍門曰節使不可負劉

待制不然政革亦舍節使去矣玠乃問道會子羽

市租皆輸幕府

賜與悉置軍門

史記李牧傳曰李牧常居代雁門備匈奴

以便宜置吏市租皆輸入幕府為士卒費唐書石雄

傳曰雄臨財廉每朝廷賜與輒置軍門自取一匹繚餘

悉分士伍由是  
衆感發無不奮

### 軍門幕府四

增潛作捷布

唐書封常清傳曰高仙芝以二千騎追躡遠奚禽馘畧盡常清於幕下潛作捷布仙

芝取讀之大駭即用之軍還判官劉眺獨孤峻爭問向捷布誰作者公幕下安得此人荅曰吾儔封常清也

幕府皆一時高選

又曰李栖筠觀察浙西幕府皆一時高選

轅門有光

武旅增氣

劉賓客見記纂淵海

轅門二龍

又曰烏承玘傳曰開元中玘與族兄承恩

俱為平盧先鋒沈勇而決轅門號二龍

### 軍門幕府五

增詩唐杜甫詩曰轅門照白袍 又曰風動將軍幕

錢起詩曰煙波帶幕府海日生紅旗 劉禹錫詩曰相

府開油幕 戎昱詩曰轅門壓塞雄 劉希夷詩曰軍

門壓黃河 王昌齡詩曰紅旗半掩出轅門 權德輿

詩曰三城曉角起轅門一縣繁花照蓮府

增碑唐韓雲卿平淮碑曰援桴軍門氣凌山河

增傳唐孫逖伯樂川傳曰闢轅門於大荒

增啟唐殷文圭投知己啟云將軍之舉左旃襲武者咸



思効勇公子之虛右席彫文者競願呈才

注漢衛青拜大將軍開幕

府舉左右旃招武士得前將軍趙充國後將軍公孫  
敖等魏信陵君無忌招賢士虛右席得侯嬴朱亥等

御定淵鑑類函卷二百十四

欽定四庫全書

御定淵鑑類函卷二百十五

武功部十

屯營  
騎

陣

屯營一

增太公兵法曰張軍處將必避七舍七殃武王曰何謂  
七舍七殃太公曰張軍勿居天社勿居地社勿居虛器  
勿居宿死勿居吞害勿居蜚鋒勿居枯泉武王曰何謂  
天社太公曰地高而仰者也何謂地社卑而下者也何

謂虛器攻敗邑人莫居之者也何謂宿死冢墓丘陵間也何謂枯泉枯澤無水者也何謂吞害即人所聚五穀處也何謂蜚鋒地斥鹵不生草木也所謂七舍七殃不張軍處將也 孫子曰凡處軍相敵絕山依谷視生處高戰隆無登此處山之軍也絕水必遠水客絕水而來勿迎之於水內令半渡而擊之利欲戰者無附水而迎客視生處高無迎水流此處水上之軍也絕斥澤唯亟去無留若交軍於斥澤之中必依水草而背衆樹此

處斥澤之軍也平陸處易右背高前死後生此處平陸之軍也凡軍好高而惡下貴陽而賤陰養生處實是謂必勝 吳子論將篇曰居軍下濕水無所通霖雨數至可灌而沈居軍荒澤草楚幽穢風飈數至可焚而滅

吳子治兵篇武侯問曰三軍進止豈有道乎起對曰無當天竈無當龍頭天竈者大谷之口龍頭者大山之端太白陰經曰偃月營形象偃月背背山岡面陂澤輪逐山勢弦隨面直地窄山狹之所營 又曰偃月外營

右置上弦門中置偃月門左置下弦門

屯營二

增宋書宗越傳曰越善立營陣每數萬人止頓自騎馬  
前行使軍人隨其後馬止營合未嘗參差 唐書曰劉

黑闥攻陷洺水秦王阻水為連營分奇兵絕其餽路

又韋雲起傳曰契丹寇營州煬帝詔韋雲起護突厥兵  
討之啟民可汗以二萬騎受節度雲起使離為二十屯  
屯相聯絡四道并引令曰鼓而行角而止非公使毋走

馬 又裴行儉傳曰行儉討突厥大軍次單于北暮立營濠塹旣周遽令移就崇岡吏白士安堵不可擾不聽促徙之比夜風雨暴至前設營所水深丈餘將吏驚服問何以知之行儉笑曰自今但依我節制毋問我所以知也 通鑑唐紀注云貞觀十二年於元武門置左右屯營以諸衛將軍領之 通鑑唐紀曰龐師古營於清口或曰營地汙下不可久處不聽 五代史謝彥章傳曰彥章為梁騎將與賀瓌行視郊外瓌指一地語彥章

曰此地岡阜隆起其中坦然營柵之地也已而晉兵柵之瓌彥章陰以告晉益惡之通鑑宋紀曰吳璘守

和尚原餽餉不繼玠慮金人必復深入且其地去蜀遠乃命璘別營壘於仙人關右之地名曰殺金坪移兵守之遼史國語解曰軍馬頓舍不設營塹折木梢為弓以為團集之所又諸國使來道傍簽置木梢弓以充欄楯平夏錄曰至正辛卯歲汝頰兵起明玉珍乃團結里中人屯於青山衆推為屯長弇州史料曰李文忠



救大同前軍已去虜五十里而營文忠遽移之五里前  
阻水自固虜果夜率衆來劫我不可動 兵畧纂聞曰  
楊洪以左都督節鎮宣府其守邊屯營專用鐵蒺藜

### 屯營三

原雁門

犬丘

後漢程不識為將軍屯軍雁門 典畧  
註固字白兔軍屯犬丘有巫誠曰將軍

字兔屯邑名犬兔見犬必

飛狐

偃月

漢書匈奴入  
雲中郡上命

驚宜急移不從遂戰死

車騎將軍李廣軍飛狐

吳志朱

異使任度為浮橋夜渡築偃月壘

以藩 相次

晉楚  
盟時

以藩為軍示以不相疑

右背

左次

兵法右背丘陵  
前左水澤 易

曰左次无咎行師之法欲左背水右背高

陸換彭亡

吳志陸抗遷立節中郎將與諸葛恪

換屯柴桑抗臨去更繕完城圍葺其牆屋居廬桑果不得妄敗恪入屯儼然若新而恪柴桑故屯頗有毀壞深以

為慙

後漢岑彭伐公孫述秉勝直進述大驚懼所屯

營地名彭亡惡之欲徙會日暮其夜蜀刺客詐稱亡奴

來降刺

增起沙

蔣樹

魏志注曹瞞傳曰公征馬超軍每渡渭輒為起騎所衝突

殺彭

營不得立地又多沙不可築壘婁子伯說公曰今天寒可起沙為城以水灌之可一夜而成公從之比明城立

晉書載記曰姚萇破魏褐飛於杏城萇命其將當城

於營處一柵孔中蒔樹一根以旌戰功歲餘問之城曰

營所至小已廣之矣萇曰少來關戰無如此快以千六

百人破三萬衆國之事業由此尅舉小乃為奇大何足

貴

犬鋪

鈴架

通鑑朱全忠問鳳翔設犬鋪鈴架以絕內外注曰凡行軍下營四面設犬

舖以犬守之敵來則羣吠使營中知所警備又有鈴架者繞營設架挂鈴其上敵來觸之則鳴

原軍

細柳環剛車

亞夫屯於細柳行將軍之令衛青度幕出塞見單于精兵乃令武剛車自環焉

營而縱騎擊殺之

諸葛奇才

鄧艾指畫

蜀志諸葛亮軍退司馬宣王行其營

壘處曰天下奇才魏志鄧艾年十一每見高山大澤輒規度指畫軍營處時人多笑焉後為將立大功

偏將別專

聯校自固

漢法偏將別屯則許專殺趙充國曰校聯不絕用木相貫穿

自固領是大軍屯於中壘增居兩山間連七百

里漢書李陵傳曰陵至浚稽山與單于相值騎可三萬圍陵軍軍居兩山間以大軍為營陵引士出營外為

陣前行持戟盾後行持弓弩魏志文帝聞劉備東下與孫權交戰樹柵連營七百餘里謂羣臣曰備不曉兵

豈有七百里營可以拒敵者乎芑原隔險阻而為軍者為敵所擒此兵忌也孫權上事今至矣後七日破備書到

原無兵號君子

獨駐曰亞夫

晉書劉超為射聲校尉無兵號曰君

子營 魏志太祖行案諸營士卒皆離陣觀徐晃獨駐陣不動太祖歎曰將軍可謂有亞夫之風矣

增

與親屬作營塹

依險固築營壘

後漢書樊宏傳曰王莽末宏與宗家親屬

作營塹自守老弱歸之者千餘家 又第五倫傳曰倫少介然有行義王莽末盜賊起宗族閭里爭往附之倫乃依險固築營壁有賊輒奮厲其眾引強持滿以拒之銅馬赤眉之屬前後數十輩皆不能下

休止

不結營部

野宿皆成營柵

又耿秉傳曰秉性勇壯而簡易於事軍行常自被甲

在前休止不結營部然遠斥候明要誓有警軍陳立成士卒皆樂為死 通鑑宋紀曰狄青行軍立行伍明約

東野宿皆  
成營柵

### 屯營四

增別營碁峙

潘安仁詩

君子營

晉書載記曰石勒陷冀州郡縣堡壁有衆至十餘萬

其衣冠人物  
集為君子營

埋懷村

孔帖曰馬燧討李懷光自太原引寶鼎下營問其地名曰埋懷

村燧甚喜  
果敗懷光

馬止營合

見屯營二

### 陣一

增周禮曰夏官大司馬中春教振旅司馬以旗致民平  
列陳如戰之陳辨鼓鐸鐃鈜之用王執路鼓諸侯執賁

鼓軍將執晉鼓師帥執提旅帥執輦卒長執鐃兩司馬

執鐸公司馬執鐃以教坐作進退疾徐疏數之節遂以

蒐田 太公六韜曰凡用兵之大要當敵臨戰必置衝

陣便兵所處然後以車騎分為烏雲之陣此用兵之奇

也所謂烏雲者烏散而雲合變化無窮者也 孫子九

地篇曰善用兵者譬如率然率然者常山之蛇也擊其

首則尾至擊其尾則首至擊其中則首尾俱至 吳子

料敵篇曰齊陣重而不堅秦陣散而自闕楚陣整而不

久燕陣守而不走三晉陣治而不用夫齊性剛其國富  
君臣驕奢而簡於細民其政寬而祿不均一陣兩心前  
重後輕故重而不堅擊此之道必三分之獵其左右脇  
而從之其陣可壞秦性強其地險其政嚴其賞罰信其  
人不讓皆有鬪心故散而自戰擊此之道必先示之以  
利而引去之士貪於得而離其將乘乖獵散設伏投機  
其將可取楚性弱其地廣其政騷其民疲故整而不久  
擊此之道襲亂其屯先奪其氣輕進退速弊而勞之勿

與爭戰其軍可敗燕性慤其民慎好勇義寡詐謀故守而不走擊此之道觸而迫之陵而遠之馳而後之則上疑而下懼謹我車騎必避之路其將可虜三晉者中國也其性和其政平其民疲於戰習於兵輕其將薄其祿士無死志故治而不用擊此之道阻陣而壓之衆來則拒之去則追之以倦其師此其勢也 司馬法曰凡陣行惟疏戰惟密兵惟雜 史記律書曰黃帝有涿鹿之戰以定火災顓頊有共工之陣以平水害 蜀志諸葛



亮傳曰亮推演兵法作八陣圖咸得其要 北史源賀

傳曰賀依古今兵法及先儒耆舊說畧採至要為十二陣圖上之 太白陰經曰黃帝設八陣之形車廂洞當金也車中黃土也鳥云鳥翔火也折衝木也龍騰却月水也雁行鵞鶴天也輪車地也飛翼浮沮巽也 又曰

天陣居乾為天門地陣居坤為地門風陣居巽為風門雲陣居坎為雲門飛龍居震為飛龍門武翼居兌為武翼門鳥翔居離為鳥翔門蛇盤居艮為蛇盤門天地風

雲為四正門龍虎鳥馳為四奇門乾坤艮巽為闔門坎  
離震兌為開門 太平御覽唐太宗謂朝臣曰朕少時  
為公子未遭戰陣義旗之始乃平寇亂每執鼓必自指  
撫習覩兵陣即知強弱常取我弱對其強強對其弱敵  
犯其弱追奔不踰百數十步吾擊其弱必突過其陣自  
背而反擊之無不潰多使此而制勝思得其理深也

唐書兵志將帥簡軍士除地為塲北上中間二百步立  
五表表間五十步為二軍進止之節遂聲鼓有司舉旗

士衆皆起行及表擊鉦乃止又擊三鼓有司偃旗士衆  
皆跪又擊鼓有司舉旌士衆皆起驟及表乃止東軍一  
鼓舉青旗為直陣西軍亦鼓舉白旗為方陣以應次西  
軍鼓舉赤旗為銳陣東軍亦鼓舉黑旗為曲陣以應次  
東軍鼓舉黃旗為圓陣西軍亦鼓舉青旗為直陣以應  
次西軍鼓舉白旗為方陣東軍亦鼓舉赤旗為銳陣以  
應次東軍鼓舉黑旗為曲陣西軍亦鼓舉黃旗為圓陣  
以應凡陣先舉者為客後舉者為主每變陣二軍各選

刀楯五十人挑戰第一第二批戰迭為勇怯之狀第三批戰為敵均之勢第四第五挑戰為勝負之形每將變陣先鼓而直陣然後變從餘陣之法既已兩軍俱為直陣又擊三鼓有司偃旗士眾皆跪又聲鼓舉旗士眾皆起騎馳徒走左右軍俱至中表相擬擊而還每日至一行表跪進如前復其初 宋史吳璘傳曰璘立疊陣法每戰以長鎗居前坐不得起次最強弓次強弩跪膝以俟次神臂弓約賊相搏至百步內則神臂先發七十步

強弓並發次陣如之凡陣以拒馬為限鐵鉤相連俟其傷則更代之遇更代則以鼓為節騎兩翼以蔽於前陣成而騎退謂之疊陣 遼史兵志曰凡行兵見敵軍既

陣料其陣勢小大山川形勢往回道路救援捷徑漕運所出各有以制之然後於陣四面列騎為隊每隊五七百人十隊為一道十道當一面各有主帥最先一隊走馬大譟衝突敵陣得利則諸隊齊進若未利引退第二隊繼之退者息馬飲水抄諸道皆然更退迭進敵陣不

動亦不力戰歷二三日待其困憊又令打草穀家丁馬  
施雙箒因風疾馳揚塵敵陣更互往來中既饑疲目不  
相覩可以取勝若陣南獲勝陣北失利主將在中無以  
知之則以本國四方山川為號聲以相聞得相救應

陣二

增左傳曰宣公十二年楚子圍鄭晉師救鄭隨武子曰  
荆尸而舉軍行右轅左追蓐前茅慮無中權後勁百官  
象物而動軍政不戒而備

注荆楚也尸陳也楚武王始  
更此為陳法遂以為名在軍

右者挾轅為戰備在左者追求草蓐為宿備慮無如今  
軍行前有斥候踰伏皆持以絳及白為幡見騎賊舉絳  
幡見步賊舉白幡備慮有無也  
茅明也或曰時楚以茅為旌識  
周書太祖文帝紀曰

太祖令軍人賫三日糧輕騎渡渭輜重自渭南夾渭而  
西冬十月至沙苑距齊神武軍六十餘里齊神武聞太  
祖至引軍來會太祖召諸將謀之李弼曰彼眾我寡不  
可平地置陣此東十里有渭曲可先據以待之遂進軍  
至渭曲背水東西為陣李弼為右拒趙貴為左拒命將  
士皆偃戈於葭蘆中間鼓聲而起申時齊神武至望見

軍少競馳而進不為行列總萃於左軍兵將交太祖鳴鼓士皆奮起于謹等六軍與之合戰李弼等率鐵騎橫擊之絕其軍為二隊大破之又李光弼傳曰賊帥周摯與安太清合衆三萬攻北城光弼敕軍入登陴望曰彼軍雖銳然方陣而囂不足虞也日中當破乃出戰及期未決召諸將曰彼強而可破者亂也今以亂擊亂宜無功因問賊陣何所最堅曰西北隅召郝廷玉曰為我以麾下破之曰廷玉所將步卒請騎五百與之三百復



問其次曰東南隅名論惟貞辭曰蕃將也不知步戰請  
鐵騎三百與之二百乃出賜馬四十分給廷玉等光弼  
執大旗曰望吾旗麾若緩可觀便宜若三麾至地諸軍  
畢入生死以之 通鑑唐紀曰李光弼與史思明相守  
四十餘日思明絕常山糧道城中乏草馬食薦藉光弼  
以車五百乘之石邑取草將車者皆衣甲弩手千人衛  
之為方陣而行賊不能奪 弇州史料曰明張輔討安  
南行視諸城獨多邦最大可駐軍而特高峻下設重濠

濠外復為坎坎外皆蒺藜而士馬甚盛輔乃懸重賞募  
死士為雲梯夜蠓附而上賊於城中列象陣以鬪輔夙  
具繪獅蒙馬而衝之象皆股栗退走矢石齊發呼聲動  
天地賊大潰

陣三

原善師

違晦

穀梁傳曰善師者不陣善陣者不戰注曰師衆素嚴不須耀軍列陣軍陣嚴整

敵望而畏之莫敢戰左傳云晉楚遇於鄢陵卻至曰楚有六間不可失也其二卿相惡王卒以舊鄭陳而不整蠻軍而不陣陣不違晦在陣而囂合而加囂各顧其後莫有鬪心舊不必良以犯天忌我必克之注曰晦月

終陰之盡故  
兵家以為忌

七來

百里

周書云陣有三哀一要

四赦一勝人必贏二取威信復三人樂生身四赦民所  
惡此七者搏之來也注云所以懷來之也尉繚子云

武王伐紂紂之陣起自黃鳥訖於赤甫其間百里也走  
如疾風聲如振霆武王乃使太公把旄以麾之紂軍反

走  
魚麗  
鵞鵠  
左傳云王伐鄭鄭原繁高渠彌以中

軍奉公為魚麗之陣蔣子萬機論

云魚麗鵞鵠之陣進退有節紫古有破陣樂舞圖左圓  
右方先偏後整魚麗鵞鵠箕張翼舒交錯屈伸首尾廻

顧以象戰

連衡

支離

諸葛亮軍令云連衡之陣以  
狹而厚為利陣令騎不得與

陣之形

相離遠

左傳云衛

褚師比公孫彌牟作亂衛侯出

適城鉏出

公為支離

之卒以侵衛衛人病之案支離

陣

背水

因山

漢書韓信攻趙背水為陣曰破趙會  
食竟以勝趙軍吏怪而問信曰置之

死地而後存衆乃服 又云項羽被漢追至東城廼存  
二十八騎追者數千羽自度不得脫於是引其騎因四

隤山而為圜陳

石壘

車蒙

晉記云諸葛孔明於漢中積石為壘方可數百步壘四郭又聚

石為八行相去二丈許謂之八陣圖於今儼然常有鼓  
甲之聲天陰彌響 諸葛亮教云若賊騎左右來至徒

行以戰者陟嶺不便宜以車蒙陣而待之地狹者以鋸齒而待之

疏首

張翼

左傳范句

曰塞井夷竈陣於軍中而疏行首

史李牧為奇陣張左右翼也

越雁

鄭騫

吳越春秋

陣名 傳衛公子朝救宋與華氏戰於  
赭丘鄭翩願為鵠其御願為鵠皆陣名

蛇勢

鶴列

晉書諸葛亮造八陣圖於平沙上壘石八行行相去二  
丈桓溫見之曰此常山蛇勢文帝英能識之 莊子徐

無鬼曰鶴列麗熊之間

未學

立成

對衛靈公問陳於孔子孔子  
對曰軍旅之事未之學也

謂軍陣行列之法也 漢書耿秉行止不正不結營部遠斥候有警軍陣立成也

晦厭子

伐左傳楚以甲午晦晨壓晉軍而陣注晦陰盡日又楚武王荆尸授師子焉以伐隨注子戟也尸陳也楚

始於此 增飛龍 騰蛇 後魏書高宗文成帝紀曰和參用戟 平二年制戰陣之法十有餘

條因大儼耀兵有飛龍騰 鈎陳 積卒 水經注曰河

武王伐紂八百諸侯所會處尚書所謂不期同時也紫微有鈎陳之宿主鬪訟兵陣故遁甲攻取之法以所攻

神與鈎陳并氣下制所臨之辰是以壘資其名 八編類纂引積卒陣記曰積卒之象天之陣也在房度西南

四星十二點布為內外二重外圍以八八營也內握以四中壘也合內外而為九九軍也各三星品連而相統

以為左右前 勾卒 萃車 左傳曰哀十七年越子為後四獸之局 左右勾卒注鈎伍相著別

為左右屯 周禮車僕注  
曰孫子八陣有萃車之陣

却月

偃月

宋書朱齡石  
起石傳曰義

熙十二年高祖北伐魏魏人以數千騎緣河隨大軍進  
止高祖乃遣丁時帥七百人及車百乘於河北岸上去

水百餘步為却月陣 玉海曰宋朝康  
定元年郭遵與趙元昊皆為偃月陣

六花

五行

李靖問對太宗曰卿所制六花陣法出何術靖對曰臣  
所本諸葛亮八陣法也大陣包小陣大營包小營隅落  
鉤連曲折相對古制如此臣為圖因之故外畫之方內  
環之圓是六花俗所號耳 李靖問對太宗曰五行陣

如何靖曰本因五方立此名方圓曲直銳實  
因地形使然凡兵不習此五者豈可臨敵哉

強名

詭設

李靖對太宗曰兵詭道也故強名五行焉文之以  
術數相生相尅之義其實兵形象水因地制流此

其旨也 太宗曰天地風雲龍虎鳥蛇斯八陣何義也  
靖曰傳之者誤也古人秘藏此法故詭設八名耳八陣

本一也分為八馬若天地者本乎旗號風雲者本乎幡名龍虎鳥蛇者本乎隊伍之別後世詭設物象何止八而已

熊羆

鴛鴦

孔帖引獨孤及八陣圖記曰魏之

之虎豹出匪以律我異於是兵畧纂聞曰威繼光之禦島夷也謂江南多沮澤行者不得比肩而行陣與西北同何以戰

原四獸陣

三面陣

禮記云前朱雀而後元武左青龍而

右白虎鄭元注曰以四獸為軍陣象天文也

順天時

因地形

凡陣早晏無失必順天時

魏田豫討烏桓

虜伏騎擊之豫因地形廻軍結固陣複陣圓

牝牡方伏

商羽徵角

周書云凡有五陣春為牝陣弓為前行夏為方陣戰

為前行季夏圓陣矛為前行秋為牡陣劍為前行冬為伏陣楯為前行是為五陣

黃石公記云使商人為前

兵者象白虎陣使羽人為前兵者象元武陣使徵人為前兵者象朱雀陣使角人為前兵者象青龍陣

# 直木銳火 圓土方金

黃帝問元女兵法云敵人為圓陣已以直陣攻之直陣者木陣

也敵人為方陣已以銳陣攻之銳陣者火陣也又云敵人為曲陣已以圓陣攻之圓陣者土陣也敵人為直

陣已以方陣攻之方陣者金陣也敵人為銳陣已以曲陣攻之曲陣者水陣也案黃石公記云彼以直陣來者

我以方陣應之方來銳應之銳來曲應之曲來圓應之圓來直應之直木方金銳火曲水圓土也各以能克者

## 應勝 合騎之校 山岳之盤

漢書曰陳湯伐西域部勒行陳益置揚威白虎

合騎之校漢兵胡兵合四萬餘人任子云善陣者徒眾整一如列宿之陳部伍周廻如山岳之盤是陣之體

也 箕張翼舒 羊羣犬聚 張衡東京賦云火烈具舉 武士星數鸞鵠魚麗箕張



翼舒案文選王濟注曰驚與驚皆陣名魚麗陣勢其張翼舒亦陣之名抱朴子云羊羣犬聚攻城畧地而所

向無勁敵所

推無堅壘

握機連衡

緣山入谷

洛書兵鈴云有連衡陣洞當陣

龍騰陣鳥翔陣握機陣虎翼陣尉繚子云兵之所及羊腸亦勝鋸齒亦勝緣山亦勝入谷亦勝方亦勝圓亦

勝

堵壓雲覆

山布星陳

又云如垣堵壓之如雲霓覆之陳琳武軍賦整行

案律決敵中原八部方置山布星陳

先偏後伍

右牝左牡

左傳鄭禦王師為魚

麗之陣先偏後伍伍承彌縫注二十五人為偏以居前五人為伍次之伍承偏之陣而彌縫補闕也此蓋魚麗

陣法國語范蠡曰凡陣

毀車以行

必旆而疏

晉傳

之道設右為牝左為牡

敗羣狄於太原將戰魏舒曰彼徒我車所遇又阨以什供車必克請更辛自我始乃毀車以為行五乘為三五

為五陣以相離兩於前伍於後專為左角參為右角偏  
為前拒以誘之晉侯使斥山澤之險雖所不至必施  
而疏陳之

右山左水

前兩後伍

兵法曰右背山陵前  
左水澤下詳前

增既陣而擊

未陣即奔

左傳曰宋公及楚人戰於泓  
司馬子魚曰彼衆我寡及其

未濟請擊之公曰不可既陣而後擊之宋師敗績唐  
書康承訓傳曰龐勛軍皆市人驚而強未陣即奔相蹈

藉死者

夾水為陣

上山為陣

左傳曰越子伐吳吳  
人禦之笠澤夾水而

四萬

陣越子為左右勾卒使夜或左或右鼓噪而進吳師分  
以禦之越子以三軍潛涉當吳中軍而鼓之吳師大亂

兵畧纂聞曰明威寧伯王越與保國公朱永帥千人  
巡邊賊猝至主客不當永欲走威寧止之即揮兵上山  
為陣列自固賊疑未敢前薄暮令騎皆下馬銜枚魚  
貫行毋反顧自率驍勇殿從山後走五十里抵城

堂堂正正

十五五

之兵書要訣曰孫子稱無要正正之旗無擊堂堂之陣正正之旗

者謂行軍也前後正治故不可要而擊之也堂堂之陣者謂營陣堂堂不冒亂也不可就而擊之也唐書哥舒翰傳曰翰次靈寶西原與賊將崔乾祐戰乾祐為陣十十五五或卻或進而陌刀五千列陣後王師視其陣無法指觀嗤笑曰擒賊乃會食

武侯舊法

臨淮遺法

李靖對太宗曰八陣為六

武侯之舊法馬唐書郝廷玉傳曰吐蕃犯京畿廷玉與馬璘屯中渭橋他日魚朝恩聞其善布陣請觀之廷玉申號令鳴鼓角部伍坐作進退若一朝恩歎曰吾處兵間久今始知訓練法廷玉惻然曰此臨淮王遺法也

形圓體方

步南騎北

玉海引洪氏曰八陣魁六十有四重易之卦也却月魁二十

十有四作易之畫也畫起於圓而神故却月之形圓卦定於方以知故八陣之體方方居前而圓居後卦自畫

始方自圓生也壁門直袤曲折翼其旁則陰陽二物握奇則有虛一之象玉海曰後魏和平三年因歲除大讎遂耀兵示武更為制令步兵陳於南騎士陳於北各擊鐘鼓以為節度其步兵所衣青赤黑黃別為隊部楯稍矛戟相次周迴轉易以相赴就有飛龍騰蛇之變為函箱魚鱗四門之陣凡十餘法晚起前却莫不應節

# 車為圓陣

## 舫為方陣

魏志曰豫傳曰鄆陵侯彰征代郡以豫為相軍次易北虜

伏騎擊之豫因地形回車結圓陣弓弩持滿於內疑兵塞其隙胡不得進遂舍而去兵畧纂聞曰明督食楊尚英初起行間與倭遇大小數十戰多有功其巡海也嘗以三翼舸猝遇倭數百艘眾寡不敵公令聯舫為方陣戒士持滿毋輕發賊出叵測引去

## 三十二圖

## 四十六訣

玉海曰咸平二年十

二月車駕親征河北內出陣圖示殿前都指揮使王彥超等令識其部分三年內出陣圖三十二以示輔臣

唐書裴行儉傳曰行儉為營陣部  
伍料勝負別器能等四十六訣  
至和八陣 嘉祐

八陣

玉海曰至和二年代州兵馬鈐轄蘇安靜上八陣圖降勅獎諭又曰嘉祐四年翰林學士胡宿看

詳駕部員外郎尹瞻所進裴子新令及八陣圖頗精降詔獎諭

黃帝丘井法

風后

握機文

李靖問對曰黃帝始立丘井之法因以制兵故井分四道八家處之其形井字開方九馬五為

陣法四為閑地此所謂數起於五也虛其中大將居之環其四面諸部連繞此所謂終於八也及乎變化制敵則紛紛紜紜闐亂而法不亂渾渾沌沌形圓而勢不散所謂散而成八復而為一者也李靖問對太宗曰黃帝兵法世傳握奇文或謂為握機文玉海引書目曰風后握機圖經一卷薛氏銓定云握奇經別有續圖記金草旗麾進退趨闔之法

陣法上內史

陣圖示宰相

唐書羅士信傳曰凡

戰張須陁先登士信副以為常煬帝遣使圖須陁士信陣法上內史通鑑宋紀曰真宗咸平四年出陣圖示宰相命督將練士以備北邊

陣四

增烏雲

太公豹韜曰烏雲之陣陰陽皆備或屯其陰或屯其陽處山之陽備山之陰處山之陰備山之

陽

如荼如火如墨

吳語曰吳王昏乃戒令秣馬食士夜中乃令服兵擐甲係馬舌出火

竈陳士卒百人以為徹行百行萬人以為方陣皆白常白旂素甲白羽之矜望之如荼王親秉鉞戴白旗以中陣而立左軍亦如之皆赤常赤旗丹甲朱羽之矜望之如火右軍亦如之皆元常元旗黑甲烏羽之矜望之如

墨

四奇四正

太白陰經曰飛龍虎翼鳥翔蛇蟠

魚

鱗

漢書陳湯傳曰湯前至郅支城都賴水上離城三里止營傳陳望見單于城上立幡幟數百人被甲乘城

又出百餘騎往來馳城下步兵百餘人夾門

驅劉秉

魚

鱗陳注師古曰言其相接次形若魚鱗也

之

後漢書禮儀志曰立秋之日武官肄兵習戰陣之儀斬牲之禮名曰驅劉兵官皆肄孫吳兵法六十四陣

名曰  
乘之

營衛

彙苑詳注曰魏祖於官渡使運糧賊數絕之乃使十乘為一道十道方行以營衛之

聚細石為之

玉海引荊州圖副云永安宮南一里渚下平磧上周回四百一十八丈中有諸

葛武侯八陣圖  
聚細石為之

常山蛇勢

玉海盛弘之荊州記云八陣及壘皆圖兵勢行藏之

權自後深識者所不能了桓  
溫伐蜀經之以為常山蛇勢

平地禦寇之方

通典曰後魏柔

然犯塞刁雍上表探諸葛八  
陣之法為平地禦寇之方

七德舞

唐書禮樂志曰七德舞者本名

秦王破陣樂太宗為秦王破劉武周軍中相與作秦王破陣樂曲及即位乃製舞圖左圓右方先偏後伍交錯屈伸以象魚麗鶯鶯命呂才以圖教樂工一百二十八人被銀甲執戟而舞凡三變每變為四陣象擊刺往來歌者和曰秦王破陣樂後令魏徵等更制歌辭名曰七德舞

天地人三陣

唐書貞

曰高宗御武成殿問兵家有三陣何謂耶眾未對員半千進曰臣聞古者星宿孤虛天陣也山川向背地陣也偏伍彌縫人陣也臣謂不然夫師以義出沛若時雨得天之時為天陣足食約費且耕且戰得地之宜為地陣舉三軍士如子弟從父兄得人之和為人陣捨是則何以戰帝曰善

為兩方陣

五代史梁臣傳

曰劉鄩以兵萬人攻魏城東莊宗與符存審為兩方陣夾之鄩為圓陣以禦晉人兵再合鄩大敗

大

陣中陣後陣

玉海曰宋馮拯建議今防秋宜於唐河增屯兵至六萬控定武之北為大陣邢州置



都部署為中陣天雄軍置鈴轄為後陣上多采用其議

願不以陣圖賜諸將通鑑

宋紀曰王德用帥真定時上遣使問邊事對曰當時賜諸將陣圖人皆死守戰法緩急不相救以至於敗誠願不以陣圖賜諸將使

### 平戎萬全圖

玉海曰雍熙四年上制平戎萬全圖

得應變出奇立功以示宰相樞密院及掌兵將校凡九圍共成一陣內三為方陣一為前鋒一為後殿二為左翼二為右翼凡中心連排方陣三每陣

### 三疊

通鑑宋紀曰元阿珠乘勝進趨揚州姜才為三疊陣

逆之於三里溝敗之

### 朔方軍素不習陣公用握奇及八陣六花遺意朔方機營陣圖說

兵畧纂聞曰嘉靖時李承式備兵榆林榆林故

朔方地軍素不習陣公用握奇及八陣六花遺意朔方機營陣圖說大約立隊伍明分數審形名因山川形勢之宜講步騎合離之變陣間容陣隊間容隊魚貫雁行觸處為首奇正相生變化無窮而躬自訓練指麾一時

旌旗壁壘皆變又采武經要語著為殘鈐集要  
今行間講讀不期年人人知兵遂為諸邊冠

陣五

增詩唐虞子陽詩曰雲屯七萃士魚麗六郡兵 李白  
詩曰陣解星芒盡營空海霧銷 杜甫詩曰功蓋三分  
國名成八陣圖江流石不轉遺恨失吞吳 杜牧詩曰  
風前略橫陣紫髯分兩旁 又曰即墨龍文光照曜常  
山蛇陣勢縱橫落雕都尉萬人敵黑稍將軍一鳥輕  
劉禹錫八陣圖詩曰軒皇傳上略蜀相運神機水落龍

蛇出平沙鷺鵲飛波濤無動勢鱗介避餘威會有知兵者臨岐指是非

增記唐獨孤及八陣圖記云黃帝受命之始順殺氣以作兵法文昌以命將握機制勝作為陣圖夫八宮之位正則數不憊神不忒故八其陣所以定位也衡抗於外軸布於內風雲附其四維所以備物也虎張翼以進蛇向敵而蟠飛龍翔鳥上下其勢以致用也至若疑兵以固其餘地游車以接其後列門具將發升後令戰弛張

則二廣失舉犄角則四奇皆出天寶中有為韜鈴者得其遺制於黃帝書之外篇裂素而圖之

增諭宋史兵志曰熙寧八年帝諭近臣曰黃帝始置八陣法敗蚩尤於涿鹿諸葛亮造八陣圖於魚復平沙之上壘石為八行晉桓溫見之曰常山蛇勢此即九軍陣法也至隋韓擒虎深明其法以授其甥李靖靖以時遭久亂將帥通曉者頗多故造六花以變九軍之法使世人不能曉之大抵八陣即九軍九軍者方陣也六花陣

即七軍七軍者圓陣也蓋陣以圓為體方陣者內圓而外方圓陣則內外俱圓矣故以方圓物驗之則方以八包一圓以六包一此九軍六花陣之大體也六軍者左右虞候軍各一為二虞候軍左右廂各二為四廂軍與中軍共為七軍八陣者加前後二軍共為九軍開國以來置殿前馬步軍三帥即中軍前後軍帥之別名而馬步軍都虞候是為二虞候軍天武捧日龍神衛四廂是為四廂軍也中軍帥總制九軍即殿前都虞候專總中

軍之事務是其名實與古九軍及六花陣相符而不少  
差也今論兵者俱以唐李筌太白陰經中陣圖為法失  
之遠矣今可約李靖法為九軍營陣之制然李筌之圖  
乃營法非陣法也朕採古之法酌今之宜曰營曰陣本  
出於一法而已止曰營行曰陣在奇正言之則營為正  
陣為奇也

增奏玉海曰宋熙寧七年十月上以新安結隊法并賞  
罰格及置陣形勢等遣近侍李憲付廊延帥趙高俾講

求推及諸路於是高奏曰伏詳置陣之法以結隊為先  
今聖制雖與古同而用法尤為精密此蓋陛下天錫勇  
智不待學而後能也然而議者云四十五人而一長不  
若五人而一長之密且以五人而一長即五十人而十  
長也推之於百千萬則為長多而統制不一也至如周  
制五人為伍屬之比長五伍為兩屬之間胥四兩為率  
屬之族師五率為旅屬之黨正五旅為師屬之州長五  
師為軍屬之命卿此猶今之軍制百人為都五都為營

五營為軍十軍為廂四廂都指揮而下各有節級有負品亦昔之比長閭胥族師黨正之任也況八陣之法久失其傳聖制煥然一新稽之前聞若合符節蓋法制一定易以致人臣有所見不敢不聞 兵畧纂聞曰景泰

四年八月命兵科給事中鄭林操練團營軍士林既受命遂以軒轅破蚩尤之陣教閱軍伍具疏繪圖以進曰臣通考古今陣法莫有過於軒轅黃帝破蚩尤之陣黃帝按井田作陣法大軍歸中專主旗鼓八節旋繞悉聽



指揮若正北受敵則東北西北二陣為奇兵張左右翼以援之若正南受敵則東南西南二陣為奇兵張左右翼以援之其正東正西及四隅受敵亦如之所謂常山之蛇擊其首則尾應擊其尾則首應擊其中則首尾俱應者也古之名將知此法者惟姜太公孫武子韓信諸葛孔明李靖諸人而已吳起以下莫能知也其名之曰天地風雲龍虎鳥蛇八陣者則諸葛孔明也一大陣之中固有八陣而小八陣之中亦各有八陣大陣則法伏

義八卦小陣則法文王六十四卦所謂陣間乎陣隊間乎隊者也若夫造遁甲有九星開八門用三奇者則又黃帝命風后為之也蓋聖人以神道設教使人莫知其所以然也夫將居於元武之位而北岳則常山蛇也故曰常山蛇陣林時居兵科見團營軍無統制每出征人馬多雜沓致死効其操練不如法當國者遂請以事委之林乃用此陣教閱隊伍始整

增論蘇氏曰司馬法曰五人為伍五伍為兩萬二千五

百人而為軍二百五十取三馬而為奇其餘七以為正  
四奇四正而八陣生焉夫以萬二千五百人而均之八  
陣之中宜其有奇而不齊者是以多為之曲折以盡其  
數以極其變鉤聯蟠屈各有條理故三代之興治其兵  
農軍賦皆數十百年而後得志於天下自周之亡秦漢  
陣法不復三代其後諸葛猶識其遺制以為可用

增議明華鈺京營議曰今之營陣名曰四方平定陣大  
都以車外環遇賊衝突間隊出矢砲自車隙中射打賊

退出馬兵追殺復來仍收入車陣中三衝三敵即此完局聞之副將王鳴鶴曰此即宋之平戎萬全陣之遺矩也宋朝兵制之弱大都由制陣之無法俟敵來攻僅為應兵絕無先發制人及設伏出奇之策自武穆一出專好野戰不學古法妙用在心故能橫行匈奴中本朝惟宋制之仍天下陣法大致多相彷彿每當大敵怯弱不前竊考孔明八陣之變歷代之說雖不同然其要機全在二十四隊遊兵如四時之閏補偏救弊皆賴於此故

變化不可窮盡假令止於八八六十四陣陣亦易窮矣  
騎一

增太公六韜曰置騎之吏數五騎一長十騎一吏百騎  
一率二百騎一將易戰之法五騎為列前後相去二十  
步左右四步隊間五十步險戰者前後相去十步左右  
二步隊間二十五步三十騎為一屯六十騎為一輩十  
騎一吏縱橫相去百步周還各復故處 又曰選騎士  
之法取年四十以下長七尺五寸以上壯健捷疾超絕

倫等能馳騎射前後左右周旋進退越溝塹登丘陵  
冒險阻絕大澤馳強敵亂大衆者名曰武騎之士不可  
不厚也 又曰步貴知變動車貴知地形騎貴知別徑  
奇道 又曰騎有十勝九敗敵人始至行陣未定前後  
不屬陷其前騎擊其左右敵人必走敵人行陣整齊堅  
固士卒欲闢吾騎翼而勿去或馳而往或馳而來其疾  
如風其暴如雷白晝如昏數更旌旗變易衣服其軍可  
克敵人行陣不固士卒不闢薄其前後獵其左右翼而

擊之敵人必懼敵人暮欲歸舍三軍恐駭翼其兩旁疾  
擊其後薄其壘口無使得入敵人必敗敵人無險阻保  
固深入長驅絕其糧道敵人必飢地平而易四面見敵  
車騎陷之敵人必敗敵人奔走士卒散亂或翼其兩旁  
或掩其前後其將可擒敵人暮返其兵甚衆其行陣必  
亂令我騎十而為隊百而為屯車五而為聚十而為羣  
多設旌旗雜以強弩或擊其兩旁或絕其前後敵將可  
虜此騎之十勝也凡以騎陷敵而不能破陣敵人佯走

以車騎反擊我後此騎之敗地也追北踰險長驅不止  
敵人伏我兩旁又絕我後此騎之圍地也往而無以返  
入而無以出是謂陷於天井頓於地穴此騎之死地也  
所從入者隘所從出者遠彼弱可以擊我強彼寡可以  
擊我衆此騎之沒地也大澗深谷翳茂林木此騎之竭  
地也左右有水前有大阜後有高山三軍戰於兩水之  
間敵居表裏此騎之艱地也敵人絕我糧道往而無以  
還此騎之困地也汙下沮澤進退漸洳此騎之患地也



左有深溝右有坑阜高下如平地進退誘敵此騎之陷地也此九者騎之死地也明將之所以遠避暗將之所以陷敗也 通典曰孫臏云用騎有十利一曰迎敵始至二曰乘敵虛背三曰追散亂擊四曰迎敵前擊後使敵奔走五曰遮其糧食絕其軍道六曰敗其津關廢其橋梁七曰掩其不備卒擊其未振八曰攻其慢怠出其不意九曰燒其積聚市里十曰蹂其田野係累其子弟此十者其騎戰利也夫騎者能離能散能集百里為奇

千里而赴出入無間故名離合之兵也 詞林海錯曰

漢制執金吾所管兵皆赤衣故曰緹騎

緹赤色也

蜀志曰

趙雲字子龍隨先主為先主主騎 會稽典錄曰朱育

謂鍾離牧曰大皇帝以神武之姿欲得五千騎乃可有

圖今騎無從出而懷進取之志將奈何鍾離曰大皇以

中國多騎欲得騎以當之吳神鋒弩射三四里洞穿三

馬騎敢近之乎 金史兵志曰正隆二年於侍衛親軍

四猛安內選三十以下千六百人騎兵曰龍翔步兵曰

虎步以備宿衛

騎二

增後漢書呂布傳曰布見操曰明公所患不過於布今已服矣今布將騎明公將步天下不足定也 蜀志張

飛傳曰曹公入荊州先主奔江南曹公追之一日一夜及於當陽之長阪先主棄妻子奔使飛將二十騎拒後飛據水斷橋瞋目橫矛曰身是張翼德也可來共決死敵皆無敢近者故得免 晉書載記曰苻堅伐晉恐謝

石等遁舍大軍於項城以輕騎八千兼道赴之令軍人

曰敢言吾至壽春者拔舌唐書薛仁貴傳曰仁貴副

程名振經畧遼東戰石城有善射者殺官軍十餘人仁

貴怒單騎突擊賊弓矢俱廢遂擒之又李光顏傳曰

元和九年討蔡明年大破賊時曲初賊晨壓其營以陣

衆不得出光顏毀其柵將數騎突入敵中反往一再衆

識光顏矢集其身如蝟子攬馬鞅諫無深入光顏挺刃

叱之於是士爭奮賊乃潰北酉陽雜俎曰徐敬業射

必溢鎬走馬若滅老騎不能及 五代史梁臣傳曰梁太祖以張歸厚為騎長梁攻時溥歸厚以麾下先進九里山遇徐兵而戰梁故將陳璠叛在徐歸厚望見識之瞋目大罵馳騎直往取之矢中其左目 又晉高祖本紀曰莊宗已得魏梁將劉鄩急攻清平莊宗馳救之兵未及陣為鄩所掩敬瑭以十餘騎橫槊馳擊取之以旋莊宗拊其背而壯之 又義兒傳曰李存孝猿臂善射身被重鎧橐弓坐稍手舞鐵槌出入陣中以兩騎自從

戰酣易騎上下如飛 通鑑宋紀曰欽宗時王德以十

六騎徑入隆德府縛金守臣姚太師獻於朝欽宗問狀

姚對曰臣就縛時止見一夜义耳由是人呼為王夜义

金史宗翰傳曰宗翰襲遼帝於五院司希尹為前驅

所將纔八騎與遼主戰一日三敗之 弇州史料開平

王世家曰常遇春進攻河南元兵五萬陣洛水北將合

遇春單騎突其陣敵以二十騎攢槊刺遇春遇春發一

矢殪當先者大呼而入麾下壯士從之遂盡殺其二十

騎敵遂大潰 兵畧纂聞曰景泰時額森大舉入犯總  
兵楊洪石亨帥師出張翼門迎其鋒或謂衆寡不敵謙  
等初飭五六騎自山東至尋改飭十餘騎自河南至尋  
又七八騎自湖廣至軍門下馬大呼曰某處參將某人  
差來頭目某人曰某參將昨日已整兵幾萬入援報知  
鎧仗易色以疑其心示衆也賊以為實然遂遁去

### 騎三

原象宿

如梟

三畧云欲知敵形色可勝之符先戰以  
二十八騎惑之二十八騎象二十八宿

也漢書云高帝時北貉來貢

象騎注曰象勇也其勇如象

畫驛

激電

又云冒頓縱精

兵三十餘萬騎圍高帝於白登七日漢兵中外不得相

救餉匈奴騎其西方畫白東方畫駝北方畫驪南方畫

驛傅休奕正都賦云

能馳

善隋

上見騎一淮

馬如激電人象飛仙

者溺善騎者隋各以其

蕩騎

緹騎

王隱晉書云御

所好反自為禍者耳

軍中候鄭翊等以為三駕鹵簿圖有幽州突騎豫州蕩

騎各五千人

東觀漢記云永平十五年顯宗東巡郡

國敕馮魴車駕發後將緹騎宿元武門複道

虎騎

上領南宮吏士保宮給牀蓆子孫得到魴所

豹騎

魏志云太祖哀曹真少孤收養與諸子同使與文

其驚勇使將虎豹騎討靈丘賊拔之封靈壽亭侯又

云曹休字文烈太祖族子也北歸見太祖太祖謂左右



曰此吾家千里駒也使與文帝同止見  
待如子常從征伐使領虎豹騎宿衛

增突騎 童

騎後漢書景丹傳曰丹從擊王郎將兒宏等於南繇郎  
兵迎戰漢軍退却丹等縱突騎擊大破之追奔十餘

里死傷者從橫丹還世祖謂曰吾聞突騎天下精兵今  
乃見其戰樂可言耶遂從征河北 唐書崔從傳曰王

承宗請割德棣而遣子入侍憲宗選堪使者以命從議  
者謂承宗狼誦非單使可屈次魏田弘正請以五百騎

從辭之惟童騎十數疾趨鎮集軍士毬場宣詔為陳逆  
順大節禍福之效音辭暢厲士感動承宗自失即按二

州戶口符

驍騎

熊騎

陳書韋翹傳曰翹字子羽有  
志操以孝著稱為驍騎將軍

印上之

領朱衣直閣驍騎之職

海錄碎事曰煬

連騎 重

帝所領軍士名熊騎光宅年改鷹揚騎

騎唐書劉弘基傳曰弘基察太宗資度非常益自託由  
是蒙親禮出入連騎 又程知節傳曰裴行儼中流

矢墜馬知節馳救之殺數人軍辟易乃抱行儼重  
騎馳追兵以槩撞之知節折其槩斬追者乃免

游

騎

邏騎

又曰李密傳曰張須陁討翟讓李密率驍勇  
常何等二十人為游騎伏於丘莽間須陁引

兵搏讓伏發密與游軍乘之遂殺須

內騎

外騎

唐書

陁通鑑注曰邏騎巡邏游夾之騎

程知節傳曰李密料士八千隸四驃騎分左右以自衛

號內軍常曰此可當百萬知節領驃騎之一王世充與

密戰知節以內騎營北邨

百騎

千騎

又曰兵志曰貞觀初太宗

單雄信以外騎營偃師

選善射者百人為二番於北門長上曰  
百騎武后改曰千騎睿宗又改曰萬騎

原國膽核

軍鋒銳

張璠漢記蔡邕上靈帝書云伏見幽州突騎冀  
州強弩為天下精兵國家膽核桓範簡騎論

曰夫騎者軍之鋒銳也進則衝敵陷堅退則鷄下鷹  
擊往如電發去如風過古人善為兵者揀選騎卒

增持赤幟

著紫巾

漢書韓信傳曰信伐趙未至井陘口三十里止舍夜半傳發選輕騎

二千人人持一赤幟從間道革山而望趙軍注革音殺依山自覆蔽也鄴中記曰石季龍常以女騎一千人

為鹵簿皆著紫綸巾熟錦袴金銀鏤帶五文織成靴

置飛騎

領毅騎

唐書兵志曰貞

觀十二年始置左右屯營於元武門領以諸衛將軍號飛騎又柴紹傳曰義兵起授紹右領軍大都督府長

史領

擊便寇

破標牌

太公六韜曰騎者軍之伺候也所以踵敗軍絕糧道擊便

寇也

南豐雜記曰狄青征儂智高曾公亮問賊之標牌殆不可當如何青曰標牌步兵也當騎兵則不能施

矣青率衆半夜度崑崙關逆戰於歸仁鋪縱騎二千出賊後標牌為馬軍所突皆不能駐馬上鐵連枷擊之遂

皆披靡智高焚城遁去

羽林騎

鐵林騎

海錄碎事曰漢武初置建章營騎後更名

羽林騎言為國之羽翼如林之盛顏注如羽之疾如林之多又曰西邊呼鐵鷄子為鐵林騎

原上

下如飛左右為翼

漢書淮南王安問伍被曰山東即有變漢必使大將軍將而制山東

公以為大將軍何如人也被曰臣所善黃義從大將軍擊匈奴言大將軍遇士大夫以禮與士卒有思眾皆樂為用騎上下山如飛材力絕人如此數將習兵未易當也英雄記曰公孫瓚常與健騎數十人皆乘白馬以為左右翼自號

充國善騎

韓嫣善騎

漢書云趙充國始為騎士

以六郡良家子善騎射補羽林史記云韓嫣與上學書相愛及上為太子愈益親媽媽善騎射善佞上即位欲事伐匈奴而媽媽先習胡兵以故益尊貴

二十四騎

二十八騎

東觀漢記云鄧

禹攻赤眚賊不利吏士散已盡禹獨與二十四騎還詣洛陽詳象宿注

女騎千人

健

騎數十

鄴中記云石虎皇后出女騎千人皆著五采靴詳上左右翼註

增緩服戲

馬

奮柁馳騎

宋書傳弘之傳曰弘之素善騎乘高祖至長安弘之於姚泓馳道內緩服戲馬

或馳或驟往返二十里中甚有姿制羌胡聚觀者數千人並驚惋歎息五代史唐明宗本紀曰梁晉相拒於

柏鄉梁龍驤軍以赤白馬為兩陣旗幟鎧仗皆如馬色

晉兵望之皆懼莊宗舉鍾以飲嗣源曰卿望梁家赤馬

懼乎雖吾亦怯也嗣源笑曰有其表耳翌日歸吾廐也莊宗大喜曰卿當以氣吞之引鍾飲醕奮柁馳騎犯其

白馬挾二

百騎度遼

七騎破陣

唐書江夏王道宗傳曰帝將討高麗

裨將而還

先遣張儉輕騎度遼窺形勢儉懼不敢深入道宗請以百騎往帝許之兵器纂聞曰正統丁巳多爾濟巴勒擁

衆寇邊毛武勇公忠從總兵蔣公征勦追至烏魯遇敵當先交鋒以七騎破陣

人挾二騎

各俘一騎

奔州史料親征考曰宣德三年上巡邊欲親擒烏梁海選精銳三千人人挾二騎十日獲

糧以俟乙卯上率之出喜峰口

兵畧纂聞曰嘉靖時

都督馬芳營於雲州賊以兩鐵騎挑戰公恚曰吾騎不

可寡用乎呼馬奉葛柰兩人來飲之卮酒而往拒之各

俘一騎衿甲面縛坐中軍之鼓下賊衆遙望為寒恐遂

去

## 騎四

增因騎置以聞

詞林海錯曰李陵傳因騎置以聞騎置謂驛騎也文帝紀為給傳置

騎

快馬如龍

梁書曹景宗傳曰景宗謂所親曰我昔鄉里騎快馬如龍與年少輩數十騎拓弓弦作霹

靂聲箭如餓鴟叫平澤中逐麋數助射之

周齊每以騎戰

詞林海錯曰周齊每以騎戰驅


中國人為肉籬

簫景騰雷之騎

記纂淵海曰擁拔山超海之雄駟簫景騰雷之騎

山動地湧

又曰雲麾鐵騎山動地湧



御定淵鑑類函卷二百十五